

中華郵局特准掛號認爲新聞紙類
中華民國九年一月出版

京師學務局教育行政月刊

第一卷第三號

京師學務局教育行政月刊啓事

前由本局發刊之京師教育報現在改刊爲京師學務局教育行政月刊報中體例已多更改凡前因教育報停刊未登之命令公牘由本月刊第一期起并月補刊一俟補刊完竣仍照曩例按月刊登辦理再前教育報所刊之學校衛生尙未終稿茲再由首章刊起以成全卷特此

聲明

京師學務局教育行政月刊簡章

第一條 本月刊由京師學務局編輯處按期彙纂發刊定名京師學務局教育行政月刊
第二條 本月刊以公布教育法令規程記載京師地方教育之狀況兼事譯述教育學說
藉以促進改良地方教育爲宗旨

第三條 本月刊門類分列如左

- 一 命令（內分大總統令部令局令）
 - 二 規制
 - 三 公牘
 - 四 調查報告
 - 五 記載
 - 六 譯述
 - 七 附錄
- 第四條 本月刊月出一册每月二十日出版
- 第五條 本月刊仍沿用教育報經費無所增減
- 第六條 本月刊之編輯等事項仍由局員分任其辦事細則另章規定之
- 第七條 本簡章有未盡事宜得隨時修訂

京師學務局教育行政月刊廣告

本局發刊京師教育報歷有年所已編至第六卷第二號現為循名責實起見將該報改為京師學務局教育行政月刊內分命令規制公牘調查報告記載譯述附錄等門類仍照從前教育報辦法按月發行除向係贈閱訂閱或交換各處所賡續辦理外凡願訂購本月刊者請逕向北京宣武門內東鐵匠胡同京師勸學辦公處內京師學務局教育行政月刊總發行所接洽為盼價目與前教育報同茲列表於後

郵費		定	冊
東	西		
本京城內	各省	壹角	每月一冊
陸肆分	貳分	伍角伍分	半年六冊
陸肆分	壹角貳分	壹圓	全年十二冊
陸肆分	貳角肆分		
柒肆角貳分	貳角肆分		

京師學務局教育行政月刊 第一卷 第三號 目錄 中華民國九年一月出版

命令

局令八年五六兩月分

- 委任令第四號 派陳英年充公立第六女高小兼第四十一國民校校長
- 訓令第八〇號 轉行國樂敬禮規則刪節條文令公立各校各教育處所遵照
- 訓令第八四號 轉令公私立各校嚴整學風
- 訓令第八五號 轉令公私立各校禁止學生參與外交協會
- 訓令第八六號 轉令公私立各校仍禁學生參與外交協會
- 訓令第八八號 轉行哥倫比亞大學教師院中國學生教育研究會徵集吾國學校成績辦法令公私立各校遵照
- 訓令第九一號 轉行體育研究社附設體育講習所規定武術教材令公私立各校知照
- 訓令第九二號 抄發斥駁王富揆議組童子軍辦法原批令勸學員長轉飭該管勸學員查照
- 訓令第九三號 轉令公私立各校勸諭學生毋得干預政治
- 訓令第九四號 轉令公私立各校查照京畿警備司令部公函曉諭學生勿再踰越範圍
- 訓令第九五號 轉令公私立各中等學校舉辦假期講習會
- 訓令第九六號 轉令公私立各中等學校仿辦學校主任並多聘專任教員
- 訓令第九七號 轉令公私立各中等學校各校學生迭次停課應籌挽救辦法
- 訓令第九八號 轉令公私立各中等學校督促學生即速上課
- 訓令第九九號 令公立第一藝徒學校嗣後校長請假應委託專員代理

- 訓令第一〇二號 轉令私立中國大學附屬暨安徽山東求實各中學校遵照部視學指陳各節整頓校務
- 訓令第一〇三號 轉令第一中學遵照部視學指陳各節規定招生辦法
- 訓令第一〇四號 轉令公立第三中學奉部令褒勉
- 訓令第一〇五號 轉令公立第四私立正志等中學奉部令褒勉
- 訓令第一〇六號 轉令第一女中學奉部令褒勉
- 訓令第一〇八號 轉令公私立女子中小學校條具各校現行禮儀法意見
- 訓令第一一〇號 轉令公私立女子高等小學校酌設補習科
- 訓令第一一一號 轉令公立第一女中學酌增附屬職業班科目
- 訓令第一一二號 轉令公立第一女中學家事一科應注意實習
- 訓令第一一三號 令勸學員長赫春林視查勗勤女子學校是否可予備案具報候核
- 訓令第一一四號 轉發女校人員審查女中學課程報告及答復部交女師範學科案令公私立女師校及女中校遵照
- 訓令第一一五號 轉令公私立各中等學校勸諭學生回校
- 訓令第一一六號 抄發斥駁王富揆復呈童子軍辦法原批令勸學員長轉致該管學區知照
- 訓令第一一七號 轉令公私立各中等學校誥誡各生慎勿散布傳單致干查禁
- 訓令第一一八號 轉令公私立各中等學校遵填七年度教育實況一覽表
- 訓令第一一九號 轉令公私立各中等學校遵照 大總統諭誥誡學生恪守學規
- 訓令第一二〇號 模範講演所續聘巡迴講員到公立各所講演令內外城講演經理員知照

指令北郊公立講演所 准改閱書報暨講演時間

指令南郊公立三義菴村國民學校 該校添辦露天學校准予備案

指令公立第三十九國民學校 該校呈請添班並擴充校舍分別准駁

指令勸學辦公處 私立懿德國民學校礙難准予立案令仰遵照

指令公立第四國民學校 嗣後延聘教員應遵局令注重師範畢業生

指令公立第二十四高等小學校第四十國民學校 暑假期內添招新生應予照准

指令公立第一商業補習學校 證書式樣應照局定式樣製備

指令公立第一商業補習學校 審計院規定與馬費辦法補行發給遵照

指令公立第一商業補習學校 該校試驗學生成績准如所擬辦理

公牘

呈教育部 轉報私立豫章甲種商業學校立案事項表文

呈教育部 轉報北京師校派遣附屬小學教員赴江蘇調查教育文

呈教育部 請示教會設立師校應否准予立案文

呈教育部 擬訂考選留日學生辦法請予鑒核備案文

呈教育部 轉呈北京中學等校職教員請代懇 大總統頒令禁謠文

呈教育部 轉呈受勳人員陸鑾等履歷表文

呈教育部 呈請籌發中小學校添班經費文

目 錄

咨警察總監 設立公立第四十一國民學校及第六女高小校請轉行該管區署保護文

咨警察總監 公立第十二高等小學擬變通撥用官地辦法據情咨請核辦文

批劉鎮定達詳謨等 該具呈人設立工業專門講習所應報勸學辦公處候核暫緩由局備案文

批王富揆 呈報郊外南區私立各校運動聯合會礙難核辦文

批北京武術體育會幹事胡岡 設立武術傳習所應准備案文

批中等以上學校職教員趙繼會等 前請由部代懇頒令禁謠一節奉部令應無庸議文

批私立女子職業學校 呈請立案並發鈐記礙難照准文

致印鑄局公函 請將招考留日學生布告刊登公報文

致上海職業學校函 擬派中等學校畢業生十人赴該校肄業函達查照並希見復文

致公立各中小學校函 通知杜威博士在教育部會場特別講演日期請職教員屆時蒞臨文

報告

參觀蘇省小學教育報告

紀載

八年五月分補助北京地方學務經費支出計算書

京師公立第五六七八高小學校身體檢查統計表

譯述

學校衛生 (續)

新 教 育

第 三 期 杜 威 號 出 版

本 期 要 目

發 行 新 教 育 共 進 社

地 址 上 海 西 門 外 江 蘇 省 教 育 會 內

杜威哲學的根本觀念.....胡適

杜威的倫理學.....蔣夢麟

杜威的論理學.....劉經庶

杜威的教育哲學.....胡適

教育與社會.....朱進

幼稚園之新動力

戰後之職業教育

教育新動力討論

菲律賓教育費

三百年國際媾和會失敗史

歐洲新聞

三皇帝終局

福祿培傳.....姜琦

手氏主義教育的辦法.....杜威講演

實驗主義.....胡適講演

附告

第四期要目預告

愛理亞氏之近世教育傾向論

何謂新教育

學者何以爲世人所崇拜

教育德謨克拉西之研究

創設國際教育委員會

地理科習驗法並原理

公民良美習尙之量度法

日本在西伯里亞之行動

羅斯柏之生平.....美公使講

調查美國教育.....范靜生講

美國教育行政.....范靜生講

▲ 定價 ▼

(連郵費)全年十册兩元零五分零售兩角郵票代款(限一分二分兩種)
全年十册兩元二角五分

教育部教育法規彙編出版廣告

教育法規彙編內容分列十類一官制二官規三本部總務四學校通則五普通教育六專門教育七社會教育八教科書九各種會議及展覽會十雜錄自民國元年本部成立之日起至七年十二月止凡各項法令文牘經公布而有效力者靡不備載用鉛字排印成書五百四十餘面裝訂一厚冊定價現銀一元購至十部以上按定價九折五十部以上八折欲購者可逕向本部東首大門內發售前學部印存圖書處購取外省滙款函購當由郵局將書寄上不另加費特此廣告



局 令

委任令

第四號
五月十五日

令陳英年

茲派陳英年充任京師公立第六女子高等小學校兼第四十一國民學校校長仰即遵照此令

訓令

第八〇號
八年五月一日

令京師公私立師範中小學校及各教育處所

前奉 教育部令開准陸軍部咨送國樂敬禮規則各節當經通令遵照在案茲復奉教育部令開准陸軍部咨開案查國樂敬禮規則前經抄錄應侍從武官長所擬原呈原摺分別通行在案茲查該原摺所擬國樂敬禮規則第四條意義已經包含於第一條內所有第四條原文自應刪節以免重複除通行外相應咨請貴部查照可也等因到部合即令知該局轉令所屬一體遵照等因到局合再令仰該校遵照此令

訓令

第八四號
八年五月六日

令京師公私立各師範中小學校

命

令

一

茲奉 教育部訓令第一八三號內開查學生在校修業期間一切行爲言論自當束身法則之中不得軼出規範以外乃本日午後一時因外交問題本京各校學生聚集二千人開會遊行竟至釀成事端殊堪驚駭本部爲維持秩序嚴整學風起見用特切實通令各校對於學生當嚴盡管理之責其有不遵約束者應即立予開除不得姑寬以敦士習而重校規等因奉此合亟令行該校切實遵照辦理此令

訓令

第八五號
八年五月六日

令京師私立第三十一國民學校

頃奉 教育部訓令第一八五號內開准京師警察廳函開據國民外交協會函稱定於本月七日在中央公園開特別大會請飭警保衛等情查該會請於七日開會一節本廳認爲時機上多不相宜未能贊同經函復展期舉行茲將函稿抄送查閱即希轉知各學校校長諭知各學生是日務必照常上課如有私自集合出校等舉動應隨時知照本廳以便防範若事前未經知照本廳學生出外發生事故者即由該校校長負責用特函達查照迅予辦理見復等因前來除函復照轉外合即令行該局遵照等因奉此合亟令行該校仰即遵照辦理此令

訓令

第八六號
八年五月七日

令京師各師範中小學校

案奉 教育部訓令第一八七號開案查國民外交協會請於七日在公園開會京師警察廳未予贊同

本部業經准函分別令行在案茲復准京師警察廳函開查國民外交協會請於七日開會一節本廳未能贊同經函復該會並將原稿抄送查閱在案旋據該會復稱會期已定並經呈明 大總統 國務總理等因當經敕廳總監面謁 大總統 國務總理請示奉 諭該會仍宜暫勿開會等因除函復該會外特再函達查照迅即轉知各學校校長諭令各學生是日務必照常上課倘有意見不妨以文字發表如或發生越軌舉動本廳爲維持地方治安計亦惟施以相當之強制以維秩序而保公安等因前來合即轉令遵照此令等因爲此令仰該校遵照此令

訓令

第八八號
六月十三日

令京師公私立中小各學校

准教育部普通教育司函開茲有哥倫比亞大學教師院中國學生教育研究會發起徵集吾國中小學校師範及甲種實業學校各項成績陳列該院以資觀覽一事緣以美國人士對於吾國之知識非常缺乏其稍明一二者非得之游歷家之著作即獲於居留吾國教士之報告此等論述率多察焉不精語焉不詳匪特無以廣見聞反多滋其誤會况教士輩志在籌款故意將吾國舊時野蠻風俗盡情描摹以悚觀聽故一言中國美人士輒有非洲印度之聯想即教師院教授司攝頓尙謂現時中國與歐洲十三紀之黑暗時代等他可知已該會深引爲祖國之恥議徵集吾國學校精美成績陳列該國最高教育機關一供彼邦人士之觀覽使明吾國現時教育真相擬訂辦法數則函託吾國學界鉅子代爲選集前嚴範

命 令

三

命 令

四

孫范靜生兩先生在美時深表贊同本部亦以此爲表揚學風增進國光之舉特將原擬徵集辦法鈔錄一份函請貴局查照轉令所屬各校依照所徵之成績品選擇精美逕交北京高等師範學校彙收便由今夏赴美參觀團帶往可也等因並徵集成績辦法一件到局除分行外合亟照錄辦法令發該校仰即遵照辦理此令

計辦法一紙

徵集成績之辦法

- 一 範圍 此次徵集專注於中小學校師範學校及甲種實業學校之成績品
- 一 成績品 花邊刺綉各種圖畫竹木金細工及其他與衣食住有關係之物品
- 一 運送法 由今夏赴美參觀高師校長團帶往
- 一 徵集之注意
 - 甲 成績品貴精美而不貴衆多徵集時當嚴爲選擇
 - 乙 縫紉科之衣類最佳組紙細工勿須徵收
 - 丙 成績品須將製作者之年級年齡書清
 - 丁 各級工作時之照片愈多愈善

訓令 第九一號
五月十七日

令京師公私立中小各學校

案奉 教育部訓令第一七三號開據體育研究社附設體育講習所呈稱請規定武術教材敬陳管見
事竊查我國拳術以美術技能之興趣引人入勝鍛鍊身體能使全體內外身心二者平均發育為最良
好之運動法前經大部通知各校列為課外運動在案本年全國教育聯合會暨部中招集各種校長會
議多有請將中國舊有武術列入學校正科者伏思大部提倡體育之意有加無已國民健康幸福當可
預期但教材選擇以詳加審慎為是倘用非其材學童轉受其害則有負大部之意矣敝社向以提倡中
國武術研究使成系統並充教材為主旨成立以來已逾六載旁徵博採務求詳備伏思我國武術相傳
已數千年分門別類派別繁多然大別之不過內外兩家剛柔二種長拳致遠短者近身而已至其要素
一日鍛鍊身體二日防衛致用即體育的技術的二者是也學校體育自當以體育的為主技術的次之
其教材以合於體育原理而無害於生理衛生為主不然揠苗助長適以害之與提倡原意不合故於選
擇教材上不可不審慎者也如徒求筋肉發育而不顧及內臟受損尤為不可且運動材料與年齡攸關
如青年兒童身體雖正在發育尙未完成稍激烈之運動固不妨但過激烈者尙宜避忌蓋學校體育與
軍事鍛鍊絕對不同一以體格為主一則兼及智育一以職業為主一則兼及人格之修養者也兼及智
育則與腦力神經發達及感覺觸覺等不可不同時注意傳習故學校體育應採知覺運動之材料所謂
身心合一內外交練者是也非如軍隊之僅為機械的運動即足敷用也技術優良為其職業如好勇鬪
很恰其本色故取用教材愈足以激發其勇氣者尤為適當學校體育則須注意人格之修養及陶冶性

情者方爲適當故學校鍛鍊與軍隊鍛鍊不可混視者也敝社約集中外名家或通信協商或集會討論研究之外從事講習總以合於體育而無害於衛生者爲教材之去取約得數種尙爲適用茲謹另冊臚陳等情到部查該原冊內所擬定武術教材簡要易行與體育要旨既不相背於生理衛生亦無抵觸堪供學校體育參考之用合亟抄錄原冊令行該局轉令各校知照可也此令等因並抄件到局除分行外合亟照印抄件令發該校以資參考此令

計抄件一分

一內功拳術 原名太極功亦曰十三式又名內家拳術係明儒張三豐所發明本儒家之理融會各家之長納五行八卦等哲理於拳術步法之中而以太極陰陽剛柔動靜喻其作用提綱挈領名爲內家蓋所以別於方外也就着勢言之太極功固無異於各家拳術然其運動行氣只以虛靜勝人注重精神上之修養堅凝意志增進智慧則非外功拳術專從事於筋肉鍛鍊者所可同日而語也素習外功拳者倘稍師其意亦能不勞而獲由是觀之易學太極而衆理一貫拳術得太極功而各家可望統一矣其優點也如左

(一)使人身全體內外平均發育 現代體育上最新之理論曰身心合一即體魄與精神求同一之發育是也如我國舊說之存心養性孟子云所謂養浩然之氣暨現在新學說之靜坐法均可謂精神上之修養法普通一般操練戶外運動以及我國他種操練身體各法均可謂爲體魄上之鍛鍊法未有能內外兼修如太極拳者也太極拳經云其運動作勢兼採心氣作用以意爲主而運動筋肉時意至之處氣與力二者自附麗筋肉而行由中達外如善文者之得心應手善書者意在筆先不僅運動外部之隨意筋即內部之不隨意筋如心腎等臟亦可獲運動之效其餘如循環系呼吸系消化系神經系等更勿論矣

(二)得精神之修養 此拳以心意作用運動筋肉發達人身固有之良知良能更由二人推手法磨練筋肉增進感覺觸覺能於鍛鍊筋肉之外兼鍛精神堪稱知覺運動非機械的運動可比

(三)增進智慧 學校體育與軍隊教練不同一方面強健其體魄一方面須兼顧德智二育否則徒養成粗暴蠢魯如昔年武科舉時代之人才於社會上毫無所補故學校體育必合教育原則方無流弊否則教育前途有不堪設想者矣太極功者武而能文本中國舊日哲學之奧理經文人所創造其運動作勢暗合於幾何動力心理衛生諸學有科學之價值學此拳者本諸科學研究講習思考力莫不發達智慧因之而自增理解因之而自敏故思以體育發展智育德育者其教材莫太極功若

(四)陶冶性情 太極功以柔靜為體剛動為用深合老聃虛靜之義習之者心氣和平絕無浮躁氣習柔而能伸剛而能禦知白守黑以體育規則養成人生自然自信之體力(良能)並健全其精神精神既得健康自無邪僻不正當之行爲為無尚之修養人格得以增進道德得以崇高殆莫如此拳者且練習此拳要在懂勁知己知彼近乎恕自無好勇鬪狠之弊矣

(五)便於教練 此拳姿勢共三十七式式式均可單習便於教練倘欲散式為整式習熟後則三十七式無論前後均可相接為連續動作教練之便無如此拳者

(六)富於應用 太極功三十七式雖一式有一式之用然不專恃著勢勝人以制敵之勁為主以柔制剛以靜制動以小力敵大力以慢敵快揆之學理亦無不合蓋制其力點使敵力不能發展并移其重點使出身體以外不能保持原來之位置所謂因力於敵以柔制剛蓋敵力雖巨按力學分力合力之理可以化之使爲我用考之幾何動力諸學大小輪周在同一時間用同一之力運動則其速度以輪輻之長短作反比例太極功以靜制動實藉此理

(七)材料豐富 拳勢上單式練習棧式練習推手中之四正四隅三才四相方圓進退各推手法暨連環步三角步五行步八方步高等步均可採用

(八)長幼咸宜 此拳運動調和動作簡單固合幼齡兒童之練習而其理最爲深奧恰合科學原理倘分段練習頗耐人尋味雖高等之學生亦不能窮其竟也

二少林十二式 世之言拳術者宗少林而少林之傳實自達摩五祖蓋於五代之季來居此寺見僧人等雖日從事於明心見性之學然類皆精神萎靡肌肉衰弱每一說法入坐即覺昏鈍不振殆於身心合一性命雙修之要爲尙未澈悟也於是達摩師乃訓示徒衆曰佛法雖外乎軀殼然不了解此性終不能先令靈魂與軀殼相離是欲見性必加強身蓋軀殼強而後靈魂易悟也果皆如衆生之志靡神昏一入蒲團睡魔即侵則明性之功俟諸何日吾今爲諸生先立一強身術每日晨光熹微同起而習之必當日進而有功也乃爲徒衆立一練習法其前後左右不過十八手而已後人變化增添以作技藝又嘗觀達摩僧武穆岳氏之內壯易筋經外功圖勢中與少林拳術之十八羅漢手及達摩十八羅漢功故大半相同疑出一源今以其圖勢爲主去其繁瑣者而參以羅漢手中之易習者仍成十二式以之爲基本動作

(一)動作簡單 該拳前後不過十二式動作極爲簡單於初習拳術者最爲適宜

(二)姿勢正確 該拳依圖作解最爲明顯教授者於解釋上細加玩索則姿勢上亦易於正確

(三)便於教授 教授者每以派別繁多不易教授該拳一舉一動著有成說於教授上最爲適宜

三六合拳母 六合拳母乃初學之基礎由各種拳術中擇其最普通而最要者共得六法使初學者先習以立其基礎俟基礎既立而後由淺及深自不覺其難矣其法有六曰搬腳曰推掌曰穿掌曰跨虎曰挑打曰提手獨立均左右相互爲同等之動作實爲平均發達之理教授勿以淺近而忽之則獲益良多矣

四彈腿 彈腿者北方武術之特出者也先有十腿後增二腿有七寸彈與平跨彈之別主用則七寸彈通常練習係平跨彈相傳爲嵩山一老仙所遺其詞云頭隨冲稍人難當二腿十字奔脚尖三腿劈棚頂和蓋四腿成摸帶了陰五腿栽捶看與腿六腿冲插試

單看七蹠雙看剪挫八蹠控刺帶轉還九蹠擱鎖分掌式十蹠冲挑與刀欄十一蹠雙挑奔脚十二蹠冲撲剪彈至於今日練習此者感古人創造深意擇其優點於下

(一)便於教練 此拳分十二路動作明晰最便於學校連續之教練且每路勢不過三四尤為易學

(二)優於體操 查體操之要旨以用力之動作為佳教授時必多加注意方能奏效至於彈腿則不然操練時非用力不可且以肩背四肢全身諸動作為最良據體操家稱為最良之動作其發達身體實較體操動作為優云

(三)合於生理 學校之體育時間每多在下午其在上午者皆為用腦之課程血液集在頭部而彈腿之動作以下肢為多可導頭部血液下注故曰合於生理衛生

(四)增進體力 習此拳者前後相因互相變換富於興味可導學者樂於長進練習日久則體力自然增進矣

五岳氏連拳 岳氏連拳為少林派之嫡系一名八翻手又名子母拳以其子母相生變化無已也相傳岳武穆研習達摩易筋經而獲神力乃創雙推手之法後人增益之為一百七十三手因名岳家散手清同光之際有雄縣劉仕俊者授徒於京師護軍營劉君德寬從而習焉遂擇其精華歸納成八母勢令連貫易習故名連拳云凡捆拿鎖靠推打擲跌諸要訣均具其中學者誠能研究玩索獲益當不淺也茲述其優點如左

(一)簡單易習 此拳僅分八路每路之連續動作多者不過五六勢少者三四而已且無跳躍等難習之處實屬便於初學

(二)鞏固基礎 習拳術者每因足部搖動以致發著運動失於確當如習此拳自無是弊

(三)矯正姿勢 此拳體勢正確各種動作均左右互習無偏頗之患

(四)增進體力 久習此拳則神經敏銳肌肉發達骨骼富有彈力故體力日增

(五)富於應用 此拳一舉一動均含著法隨機應變惟心所欲無不勝力

(六)便於公共教練 此拳動作簡單段落分明進退起止均有節序當多人教練時施以口令動作齊一與體操無異

六唐拳 拳術一端其區分大別爲二曰內功外功是也王漁洋曰拳勇之技少林爲外家武當三豐爲內家內家拳術前已言之詳矣短拳者爲外功之一於肩背全身及腿部諸動作最爲適宜且次序井然凡十二路施於學校亦最爲適宜

七八卦拳 創自前清中葉爲董海川所發明其練習時多行圓周步換勢時步法常爲三角形出手用掌前後參差雁行者易筋經十二式青龍獻爪式左右互換其換法有八母式故曰八卦伸長筋肉氣貫丹田達於四體亦可採用

八岳氏散手 岳氏散手者其源因於達摩禪師世傳達摩禪師有坐功站功行功諸法散手即行功也宋武穆得之於麗泉山僧其初僅九手法分爲上盤三手中盤四手下盤二手傳之既久每手各化爲二十手共一百八十手更分左右應用合爲三百六十手其站莊用川字地盆式身法用半馬式步法則以足尖由外向內鈎盤練時每進步畫一半圓兩足互畫殆即達摩師所創十八手中之鈎腿盤旋法也惟岳氏迄今其間師承遞嬗不得其詳清末季劉君仕俊者直隸雄縣人也居邑城東北之孤鐘頭幼嗜武技一日在邑中齋菴屯寺旁空地練習劈肩等式轉師寺僧得岳氏散手法後避役至野寺見殿甃階石皆有足磨凹痕方疑詭聞適其師友法成入寺乃轉師事之三年盡得其術授徒於京徐盛武查訥封阿李德奎蕭賓紀德等於是散手乃流於京師其爲技也簡老精到樸而不華開場演武殊無可觀亦武術中之傑出者也動作敏捷便於教授

武器之宜採擇者五種短者曰劍曰刀長者曰槍曰棍曰戟是也
一劍術之堪於選擇者四

(一)神禹劍 又名二十四式劍爲劍術中之最古者見清初茅元儀所輯之武術志中據云得之於朝鮮以我神州固有之學求之於四裔中良可歎也其勢法具備圖說詳明或雙手練習或左右換手練習均可其練習之訣爲擊刺格洗四法敵社同人用圖勢編成劍路曰神禹劍於教練上最爲適宜

(二)純陽劍 此劍運敏捷招法巧妙身手合一富於應用且動作簡單姿勢易學於初習者尤為稱便

(三)玄武劍 此劍姿勢正確運動舒展為劍術之先正典型

(四)太極劍 運動作輕巧其靈妙處一如其拳任其自然於學者最多得興趣

二刀術之堪於選擇者二

(一)八卦刀 該種刀術之步法均為圓形其行步方位仿河圖洛書方圓相容之意錯綜變化極為靈動變群敵群戰之法有正圓半圓連環三才四相五行八方之別為圓周教練至其對手各法尤稱應用

(二)太極刀 進退敏捷其內中各式均簡單易學至於變換處一若拳然

(三)六合刀 上下四方故曰六合其運作初學上甚為適宜

三槍術之堪於選擇者二

(一)楊家梨花二十四式槍 一名六合槍紀效新書曰槍法之傳始於楊氏謂之曰梨花天下咸尚之其法手執槍根出槍其長且有虛實有奇正有虛虛實實有奇奇正正其進銳其退速其勢險其節短靜如岳山動如雷震故曰二十年梨花槍天下無敵手信其然乎其守勢二十四均有圖說其目有纏欄破纏破欄中手死復生一進一退一上一下撲手槽顛蘇捉看即諸法既身法坐法運法六封六閉白鶴黑鶴邊欄裙欄八母槍等

(二)太極槍 其合手練習四法如其拳中之推手法故可採用

四棍術之堪於選擇者一

(一)少林棍法闡宗 書為程氏所作曾採入武備志其材料豐富共分三卷上卷譜圖姿勢五十五均有說明中卷譜棍路附棍法行步路圖蛛絲馬迹均有踪跡可尋下卷問答籍師生問難發揮棍中奧理敵社擬就原書稍加編制作為教科材料

五戟術之堪於選擇者一

(一)方天戟 戟與槍不惟形式不同其用法全異於學者甚便且易於學成敵社同人習有六路并有專書可資採用

訓令

第九二號
五月十六日

令京師勸學長者赫春林

據具呈人王富揆呈稱敵校議組童子軍按照陸軍步兵操典教練並有南郊私立第十七第十八國民學校郊外南區房家村霽霖學校提倡加入以資研究定於本月十九日在敵校舉辦運動聯合會呈請批示遵行等情到局查童子軍一項本局已定有辦法頒發各校並設有京師童子軍聯合會在案茲該員以私人名義議組童子軍並聯合各校加入核與局定辦法不符碍難認可仰即轉致該管學區勸學員飭各私立學校知照至所稱於本月十九日舉辦運動聯合會一節除批駁外合行抄錄原批隨發並仰轉飭勸學員查照此令

批 第一五號
六月十一日

原具呈人王富揆

呈一件為按照操典教練童子軍請予辦法由

呈悉前據該具呈人呈稱議組童子軍按照陸軍步兵操典教練等情到局當經核與局定辦法不符碍難認可令行勸學辦公處轉飭知照在案茲據呈稱體操一科按照操典已將徒手柔軟器械各種操法以及變換隊形完全練成請予核辦等情前來查童子軍之宗旨在提高國民道德養成獨立自治之精神並非徒事練習兵操而已該具呈人呈稱各節對於童子軍之主旨殊未明瞭所請

應無庸議此批

訓令

第九三號
八年五月二十一日

令京師公私立各師範中小學校

奉 教育部令開本月十四日奉 大總統令近年以來民智日新人知愛國此為吾國文化增進之徵第愛護國家則必尊重法律若勵學之年質性未定其始傳聞誤會亦激於愛國之誠而流弊所極乃至破壞秩序凌蔑法紀而不恤甚為諸生惜之凡茲莘莘學子皆國民優秀之選夙習文教富知大義須知綜持政綱責任有屬以言愛國同此心期惟當挽濟艱屯端在持以鎮靜稍涉紛擾恐速淪胥名為愛國適以誤國况秩序安寧足規國家統治及人民自治之能力尤必審慎維持歧圖上理自此次通令之後京外各校學生務各安心向學毋得干預政治致妨學業在京由教育部在外由省長督同教育廳長隨時申明誥誡切實約束其有不率訓誡糾眾滋事者查明斥退總期成德達材及時效用異日敷陳政論共抒謨猷是固國家無窮之望其共勉之等因奉此合亟照錄令行該局仰即通行遵照等因合亟轉令該校遵照此令

訓令

第九四號
八年五月二十一日

令京師公私立各師範中小學校

五月二十日奉 教育部令開本部現准京畿警備總司令部公函內開本月十五日奉 大總統令

命 令

前因北京大學等校學生糾衆滋事釀成縱火傷人重案當經令飭京師警察廳總監隨時力圖防弭以保公安近日外交經過事實政府自必開誠宣示俾釋羣疑惟是謠詠滋多人心浮動影響所及易滋搆煽京師爲根本重地各友邦使節所在尤應切實防衛以期弭患消萌著由京畿警備總司令督同步軍統領京師警察廳總監軍督察長京兆尹等一體認真防護共維秩序遇有糾衆滋事不服彈壓者仍遵照前令依法逮懲其餘關於保衛治安事宜均責成該總司令等悉心調度妥慎辦理至各省區地方治安該管督軍省長都統責無旁貸並著切實籌維勿涉疏弛是爲至要此令等因奉此查自青島交涉發生以來各界人士頓受一種感觸頗形激昂而各校學生尤爲憤慨愛國熱忱原爲國民朝氣扶植不遑詎忍遏抑惟近日各學生等時有集衆演說散布傳單等情事此種舉動偶一爲之藉以喚起一般人民之注意或可收効一時若長此紛紜人心將因之不靖展轉誤會謠譏繁興萬一當群情胥動之時不良分子攪入其中乘機鼓煽難保不別生事端是外交之挽救未能而秩序之安甯先擾愛國初志當不如斯京師首都重地中外共瞻治安前途所關尤鉅更宜力圖靖謐以固本根況各校學生正在青年求學時代高談政治心志易紛學業上將不無曠廢即鑒于事勢急起直追更宜努力潛修以科學發明爲己任庶幾學成致用効力於國冀挽危亡乃徒爲意氣所激祇顧目前學術不興國何由振恐異日淪胥之痛猶不止於今也職是以言如再因仍不改不獨地方治安多所影響而所以屬望於各生者甯不悲觀本總司令受政府委託對於公共安甯本屬責無旁貸而對於各學生愛護督責之心亦難自己爲此

函達貴部查照希即轉飭各校校長務將此意明白曉諭各生務各安心向學蔚爲達材毋或自相紛擾本總司令職責所在苟有踰越範圍者雖素所親愛亦未敢放棄權責等因前來合亟令行該局仰即轉行遵照此令等因合行令仰該校遵照此令

訓令

第九五號
五月二十二日

令京師公立各中等學校

案奉 教育部訓令第一八六號開教育事業日新月異而歲不同從事教育之人自非啓牖新知不足以謀進步比年以來各處任用教育人員雖漸知慎重資格然於補助增進新智識之道尙鮮注意查假期講習會爲介紹教育上新知識良法他國行之多著成效吾國漸亦舉行而其效未普允宜盡力推廣以收實益講習會之作用非第限於學科之內容凡教育事項若教授若管理若訓練若養護若編制設備及其他種種必要知職如何方合地方之需要如何能應世界之潮流在實施教育之學校人員固宜加意研究即與學校有密切之關係之教育行政人員此種研究亦不可忽亟宜延請學術專家或辦理教育富有經驗之士設會講習藉以介紹一切新理新法本其所已知而導之以改善擇其所未知而勗之以補充苟其人非漫不經心必於其身任之教育事業有所增長而假期設會既便利於主講及聽講之人所用場所器物舉可利用促進教育無善於此嗣後各地方教育行政機關各教育會各高等師範學校其曾經設會講習者固宜屢續推行其未經舉辦者尤宜設法提倡但行政機關得委託師範學校

或其他學校或教育會舉辦師範以外各學校有能辦理此項講習會並得一體舉辦總之一地方之教育全恃乎一地方之人才而改進固有人才與養成未來人才其緩急正復相等除分行外合亟令仰該局長遵照並轉令所屬一體遵照仍將每屆假期內辦理講習會處所及會務概況彙案呈報以備查考此令等因到局除分行外合亟令仰該校遵照並將會務概況呈報本局以便彙報此令

訓令

第九六號
五月二十二日

令京師公私立各中學校

案奉 教育部訓令第二二〇號開據署參事視學陸懋德等報告京師公立各中校現已添設學校主任及多聘專任教員關於管理訓練教授各要項頗收效益應令各私立中學酌量仿辦各節不爲無見仰該局轉令查酌辦理俾中學前途漸臻美善是爲至要此令等因到局查添設學級學科主任及多聘專任教員各辦法早經令行公立各中學校遵辦在案原擬此項辦法先自公立各校試行俟辦有成效再行推及私立各校藉資仿辦茲奉前因除分行外合亟令仰該校查酌辦理並仰參觀各公立中校以便仿行此令

訓令

第九七號
五月二十四日

令京師公私立各中等學校

現奉 教育部訓令第二一八號內開查本月北京中等以上各校迭次停課多數學子廢棄求學之天

職犧牲寶貴之時日殊爲可惜學生愛國應循正當之途逕若競走極端教育前途何堪設想各該校長責任所在亟應體察實際情形剴切勸導妥籌挽救辦法是爲至要除分令外合亟令局轉飭遵照可也此令等因到局除分行外合亟令仰該校遵照切實籌畫爲要此令

訓令

第九八號
五月二十六日

令京師公立各中等學校

頃奉 教育部訓令第二百二十三號內開查此次本京中等以上各校學生先後停課逾一星期不特學校風紀諸生學業妨礙甚多尤於教育前途關係至鉅該校長負整理學校之責亟應速行嚴加督率以圖挽救所有停課各校應自奉到訓令日起即由該局長會同教職員督促學生限三日內一律上課以重學業而挽校風爲此令行該局仰即轉行遵照毋違此令等因到局除分行外合行令仰該校長遵令督促學生即速上課毋得延宕切切此令

訓令

第九九號
五月二十七日

令京師公立第一藝徒學校

按學校校長責有專屬遇有特別事故須請假料理之時應委託專員代理呈請本局核示查該校校長此次函稱請假五日校事託同人代辦一節並未委託專員代理校務處理殊屬失當嗣後仰即注意此令

命 令

十七

訓令 第一〇二號
五月二十八日

中國大學附屬
安徽
山東
私立
中學校

案奉 教育部訓令第二二〇號開據署參事視學陸懋德等報告中國大學附屬中學校所聘教員皆係兼任管理訓練幾無人過問學生缺席者占十分之三教員缺課亦多學生程度至不齊一招生之濫概可想見聽講時帶筆記簿能抄錄者竟絕無僅有檢閱試卷多不合中學程度應令設法整頓庶有改進之希望安徽中學校二年級生祇二十四人四年級生祇十四人而歲出不下七千餘元未免糜費理化器械粗備塵埃麇集易於毀壞管理實未周密學生隨處吐痰殊於衛生有碍查閱課程表每科連授二小時者居多難免遷就教員之弊每週授課時間多至四十二小時應令該校略減教授時間增加自修及預習時間較為有益山東中學校辦理缺少精神所招新生未經高小畢業者居五分之四檢閱試卷除國文尚優外其他各科學成績較劣應令於教授管理訓練三項加以注意求實中學校補習班室小人多空氣不甚流通恐於授課衛生俱有妨礙亟應遷入較宜教室應設各表簿諸從闕略該校無專任學監於管理上恐難周到理化圖畫等課均無特別教室其他設備亦未完善查該視學等指陳利弊於各項改進事項尚稱扼要應即轉飭遵照辦理此令等因到局除分行外合亟令仰該校遵照部視學指陳各節認真整頓切實改良以期漸臻完善是為至要此令

訓令

第一〇三號
五月二十八日

令京師公立第一中學校

案奉 教育部訓令第二二〇號開據署參事視學陸懋德等報告公立第一中學校一二年級人數多至七十名以上於授課不無妨礙且與定章不符其在三四年級者往往考入專門學校肄業以致逐漸減少似宜設法限制查該視學指陳利弊於各項改進事項尙稱扼要應即轉飭遵照辦理此令等因到局該校嗣後添招新班時務宜按照中學校令施行規則第二十四條之規定辦理以符部章合亟令仰遵照此令

訓令

第一〇四號
五月二十八日

令京師公立第三中學校

案奉 教育部訓令第二二〇號開據署參事視學陸懋德等報告公立第三中學校於管教訓練各端類能勉勵圖成力求進步擬請訓令獎勵各等情前來查公立第三中學校辦理合法成績可觀至爲嘉慰應予傳知褒勉以資鼓勵仰該局轉令遵照此令等因到局查該校長自接任以來對於校務銳意整頓以致管訓各項俱有可觀迭經本局視察僉謂該校內部日見改良大非昔比頗堪嘉尙茲奉前因亟應傳令褒勉俾資鼓舞而策進行嗣後仍應積極進行初終罔懈前途發展正未可量本局有厚望焉合亟令仰遵照此令

命 令

訓令 第一〇五號
五月二十八日

令京師公立正志中學校

案奉 教育部訓令第二二〇號開據署參事視學陸懋德等報告公立第四私立正志兩中學於管教訓練各端類能黽勉圖成力求進步擬請訓令獎勵各等情前來查公立第四私立正志兩中校辦理合法成績可觀至為嘉慰應予傳知褒勉以資鼓勵仰該局分別轉令遵照此令等因到局查該校登經視察屢獲褒獎足徵整飭校務歷久弗渝積極進行與日俱進本局頗為嘉許茲奉前因應即傳令褒勉俾資鼓舞而策進行除分行外合亟令仰該校遵照此令

訓令 第一〇六號
五月二十八日

令京師公立第一女子中學校

案奉 教育部訓令第二二〇號開據署參事視學陸懋德等報告公立第一女子中學校於管教訓練各端類能黽勉圖成力求進步擬請訓令獎勵各等情前來查公立第一女子中學辦理合法成績可觀至為嘉慰應予傳知褒勉以資鼓勵仰該局轉令遵照此令等因到局合亟傳令褒勉俾資鼓舞而策進行為此令仰該校遵照此令

訓令 第一〇八號
五月三十一日

令京師公立女子中小學校

案奉 教育部訓令第二一四號開查女學修身一科應注重禮儀法以資實習惟現在全國習尚不同各校自爲風氣無適當之標準殊不足以昭示社會資爲依據本部現擬徵集各校意見斟酌定一標準俾有所遵守爲此令仰轉飭各女學校將各該校現行禮儀法條具意見送部採擇此令等因到局除分行外合亟令行該校仰將現行禮儀法條具意見呈送本局以便彙案呈部採擇此令

訓令 第一一〇號
六月三日

令京師公立第一二二三四五六女子高等小學校
及各私立

案奉 教育部訓令第二一五號內開案吾國女子教育發達較晚一切辦法視男生學校未能盡同疊據本部視學報告各省區女子高等小學校學生往往參差過甚在同一編制之下用同一程度教授在目前女校太少一校之中又不能增設級數編級招生固不能不略事變通惟年長學生心意較爲發達強其俯就勢必減少求學之興味且年事一過不堪再學光陰虛擲尤爲可惜亟宜妥籌救濟方法應由該局轉令所屬各女子高等小學校遇有上項情節得變通教程酌設補習科俾學生年長者得充分學習不致因一班施教阻遏其學業之進步至多級學校招生時遇有年長學生尤宜另編一級以便教授合亟令行該局轉令所屬遵照辦理是爲至要此令等因奉此合亟令仰該校遵辦此令

訓令 第一一一號
六月四日

令京師公立第一女子中學校

命 令

案奉 教育部訓令第二一六號開查上年全國中學校校長會議議決女子中學校應附設簡易職業科並須擴充女子職業案經該會呈請採擇前來查原案所稱各節不爲無見各女子中學校自可酌量地方情形附設女子簡易職業科以資實用爲此鈔錄原案令仰飭遵此令等因并原案一件到局查該校附屬職業班早經設立惟技術方面只限於縫紉一科茲奉前因允宜酌量情形增設他科以應社會之需要合亟抄發原案令仰該校查酌辦理此令 附議案

女子中學校應附設簡易職業科並須擴充女子職業案

歐陽曉瀾提議

此次歐洲戰爭男子投身行伍其所應爲之事多以女子代之且不獨戰時爲然即在平日女子之職業亦極爲發達我國女子向以分利見譏於世非女子必以分利自甘實無相當職業有以致之耳竊謂欲擴充女子職業必從教育入手可不待言而女子職業學校爲數甚少可否於中學學校中創設簡易職業科(其辦法與日本高等女學校附屬之實科相等)如技藝科蠶桑科園藝科商業科之類再呈請 大部會商交通財政等部凡郵政電報銀行等事務請其酌用此項女校畢業生

訓令 第一一二號
六月四日

令京師公立第一女子中學校

案奉 教育部訓令第二一七號開查上年全國中學校校長會議議決女子中學校家事一科應注重實習案業經本部詳加審核所擬各節不無可採相應抄錄原案令仰轉飭知照俾資參考此令等因並原案到局合將原案發給該校用備參考此令 附議案

女子中學校家事一科應注重實習案

說明

大學言治國平天下必以齊家爲先蓋家爲國家社會之根本其良窳如何影響至鉅然欲求良善之家庭必自研究家事始查近日各女子中學校對於家事一科其特別注重實習者固多但就教科書尋文釋義者亦在所難免以致學生畢業後於家庭生活不無隔閡之處恐非國家振興女學之本旨竊謂家事爲女子中學校最重要之科目應增加時數注重實習茲將其辦法概要列於後

(一)設備 女子中學校家事實習其必備各室如左

(1)客廳及寢室 此指仿家庭制度而設者而言或純用中式或參用西式其室中陳列器具及陳列方法皆由學生自出心裁隨時變換以養成整理之才能及審美之觀念

(2)烹飪室 應設中西式爐灶及一切烹飪用具以實地練習中西烹飪法但仍以本國烹飪法爲主

(3)膳堂 應分設兩處一中式膳堂至少須設食棹二張長凳八條及餐具等一西式膳堂須備大餐棹及交椅食廚西式餐具等

(4)兒童保育室 女子中學校關於兒童保育之實習較師範爲困難無附屬小學及蒙養園故也然此項設備必不可缺如在室中陳列兒童禮儀演習圖兒童玩具兒童衣服及兒童歌曲童話等皆可供實習之資料

(5)庭園 可就實習室旁隙地布置庭園由實習生隨時栽植花卉及蔬菜等

(6)其他縫紉室洗濯室廁所等得以便宜兼用

(二)分組實習

(1)家事擬每週增加一小時專供實習之用並得於課外實習

(2)分一級學生爲若干組輪流實習以一週爲限期

命 令

命令

二十四

- (3) 在實習期內無論寄宿生及通學生均須移入特別寢室居住
- (4) 凡清潔屋宇陳列器皿經營炊爨招待來賓等事均由實習生分擔
- (5) 凡實習時每組公推一人為組長掌管事務由校中酌交經費凡銀錢出納由組長總其成
- (6) 帳目登載之法可應用家事簿記其用珠盤核算者聽
- (7) 實習既畢應由各生作實習報告書呈家事教員核閱
- (三) 成績考查 家事一科應以試驗成績及實習成績並重
- (四) 家事參考室 由校中蒐集關於家之教材及學生製作之家事成績品陳列於室

訓令 第一一三號
六月七日

令京師勸學員長赫春林

據勸勤女學校呈稱敝校於民國六年九月在西城小沙菓胡同開辦一學期於七年一月遷往北城舊鼓樓大街東口內娘娘廟街西頭路南門牌十二號學生漸次增加現已七十餘人呈請貴局准予立案並附送立案表學校規則各一份等情到局核表開校長教員資格均係完全師範畢業教科亦與部定課程相符編制整齊校舍足用尙可准予立案惟該校此次呈請立案是否已與勸學辦公處接洽並表開各項是否與事實相符合行檢發原送立案表再行切實視察具報此令

訓令 第一一四號
六月六日

令京師公立第一女子師範學校

案奉、教育部訓令第三九號開查上年全國中學校校長會議議決女子中學校課程宜詳定標準一案經該會呈請採擇施行等情到部當於本年三月間召集辦理女校人員來部詳細審查另由部提交關於女子師範學科各案併經該員等答復前來查該員等審查女子中學課程之報告及答復女子師範學科各案頗多可採之處爲此摘抄仰即發交各女子中學及師範學校參考此令等因并審查女子中學校課程報告及答復女子師範學科各一份到局除分行外合將原件發給該校用備參考此令

審查女子中學課程報告

(甲) 審查主旨

凡中學校生徒畢業而後自應以升學爲本位但女子中學校微有差異之點緣女子每以婚嫁或經濟關係發生窒礙不能求達升學目的因是修業期內必令習得生活上必須之知識技能以滿足其需要然女子之課外作業如家事實習等較男子中學校爲多倘不減少教科目以及教材分量似嫌繁重姑分別升學與不升學之生徒異其課程將升學之生徒增高其外國語之程度免習手工不升學之生徒則減少外國語時間加授手工如是庶較適當

(乙) 教科目之變更

一 法制經濟 查部定要旨在養成公民觀念及生活上必需之知識是教材之內容必簡單無疑故在女子中學校可併入修身科如授對於國家之責務時將國家之組織等聯絡教授似較切實故本科無獨立之必要

二 國文 查部定標準內有文學史及文字源流事項教材初學不易了解故刪

三 歷史及地理 查部定標準內有地理概論及人文地理自然地理是項材料可併總論教授無須另列東亞各國史可併入外國

命令
史教授故刪

四手工 手工科種類繁多倘學習至若干種以上勢必不能專精以應生活之需要故宜斟酌地方情形以本地適用者為主
附擬課程表及課程標準

學科目	學年			
	第一學年	第二學年	第三學年	第四學年
修身	一	一	一	一
國文	七	六	五	五
外國語	(三)六	(三)六	(六)	(六)
歷史及地理	三	三	二	二
數學	四	四	三	三
博物	三	三	二	三
物理化學			四	四
圖畫	一	一	一	一
手工	(三)	三	(三)	(三)
家事及園藝		二	二	二
縫紉	二	二	二	二
樂歌	一	一	一	一

女子中學校課程標準
注()爲不升學之每週教授時數

學科目	學年	每週時數	課程內容										
			第一學年	第二學年	第三學年	第四學年	體育	總計					
修身	一	一	道德要旨 禮儀實習	同前學年	同前學年	同前學年	同前學年	二	二	二	二	二	二
國文	七	六	講讀及文法 作文習字	同前學年	同前學年	同前學年	同前學年	二	二	二	二	二	二
外國語	(三) 六	(三) 六	發音 讀法 譯解 默寫 會話 文法	同前學年	同前學年	同前學年	同前學年	二	二	二	二	二	二
歷史及地理	三	三	本國地理	本國歷史	外國地理	外國歷史	外國歷史	二	二	二	二	二	二
數學	四	四	算數 珠算	算數 代數	代數 幾何	代數 幾何	代數 幾何	三	三	三	三	三	三
博物學	三	三	植物 動物 實驗	動物 人身 生理及 衛生 實驗	衛生 礦物	衛生 礦物	衛生 礦物	二	二	二	二	二	二
物理化學					物理 化學 實驗	物理 化學 實驗	物理 化學 實驗	四	四	四	四	四	四
圖畫	一	一	自在畫	自在畫	自在畫 用器畫	自在畫 用器畫	自在畫 用器畫	一	一	一	一	一	一
手工	三	三	應用手工	同前學年	同前學年	同前學年	同前學年	三	三	三	三	三	三

命 令

家事及園藝	二	家事整理衣食住 木等之培養庭園 構造實習	二	侍病育兒經理家 產家計簿記蔬果 花木等之培養庭 園構造實習	二	同前學年
縫紉	二	普通衣類之裁法 縫法補綴法	二	同前學年	二	同前學年
樂歌	一	基本練習歌曲	二	同前學年	二	同前學年
體操	二	徒手操器械操舞 踏遊戲	二	同前學年	二	同前學年
合計	(三〇)		(三一)	(三一)	(六)	(二九)

備考 不升學者外國語授至第二學年止升學者得缺手工

答復部交女子師範學科各案

(甲) 答復主旨

按現行女子師範課程科目之繁本科一二四各學年均十四門第三年十六門教授時數之多預科每週三十四小時本科各學年均三十六小時而各種實習實驗練習等時間尙不與焉夫科目太繁則學生之知識不易統一授課時數過多則學生之精神易感疲勞而所授之教材難以消化有斯兩弊則欲收善良之效果甚爲困難就審查員等見聞所及各處女師範之學生在平時率感功課之繁重及實習時則多覺教授之困難此等意外不良之結果皆科目太繁時數過多致學生所收得之知識爲斷片的爲生硬的故至應用之時不能隨機應變運用自如也審查員等有鑑於此乃公同議決歸併科目至繁時不過十三門並減少時數最多時不過二十三小時庶幾教材易於融化而知識得以統一學校造就善良師資之目的可以達焉

(乙) 變更科目之意見

一修身 按修身科之倫理學大要於涵養道德比較的不甚切要而本國道德之特色統言之則失於空泛舉例以明之則時間過少難免掛一漏萬之弊且於授各項德目時本國道德之特色自可表見故此兩門均不必特別教授其各學年所授之各種責務亦不必拘於形式統可以道德要旨賅之

二教育 本科之哲學發凡因時間太短不易與學生以明瞭之觀念故可刪除而保育法包含於教育學內教育制度學校衛生包含於學校管理法內不必另立名目

三國文 本科之文字源流文法要略中國文學史等因內容複雜於短少之時間不易了解且徧於專門亦非中等學校所切要故刪去之而代之以文法以便講文時隨時指示

四歷史及地理 此兩科雖有密切之關係而無同時教授之必要故合為一科而錯綜教授之並提前一年從預科教起以減少本科第三學年之科目

五數學 加珠算以應小學教授之需並將代數幾何改為初步以省學生之腦力

六博物理化 博物之教授時間改為三三於第二學年授畢而理化則於第三四學年教授以減少同時教授之科目

七法制經濟 法制經濟於女師範生用途甚少故可不獨立一門改為法制經濟概要於第四學年修身科時間內授之

八圖畫手工 圖畫之細目統以自在畫用器畫黑板畫括之而手工則專重女子應用之手工(如編物刺繡等)及小學校諸細工

九家事及園藝、縫紉、樂歌、體操、外國語等於時間及細目均有更易如後表

附擬女子師範課程標準

科目	學年	預	本科一年	本科二年	本科三年	本科四年
修身	禮儀實習	一	同前學年	一	同前學年	一
	道德要旨				同前學年	一
	法制經濟概要				教授方法	一

命 令

二十九

家事及園藝	手工	圖畫	物理化學	博物	數學	歷史及地理	習字	國文	教育	讀經
		自在畫 二			算術 珠算 五	本國地理 三	楷書 二	講讀及文法 八		二
	應用手工 學校各種細工小 三	自在畫 用器畫 三		植物 動物 實驗 三	算術 代數初步 三	本國歷史 三	楷書 二	同前學年 六		二
	同前學年 三	同前學年 三		生理及衛生 礦物實驗 教授方法 三	代數初步 幾何初步 三	世界地理 外國史 教授方法 四	行書 黑板寫法 教授方法 一	同前學年 四	普通心理學 論理學大要 三	二
家庭之培養 庭園之構造 方法 四	同前學年 三	同前學年 三	物理化學 實驗 四		幾何初步 教授方法 三			同前學年 教授方法 四	教育學 四	
實習 庭園之構造 法 四	應用手工 三	自在畫 用器畫 黑板畫 三	物理化學 實驗 教授方法 四					講讀及文法 作文 四	教育史 學校管理法 教育實習 二	

命令

總計	外國語	體操	樂歌	縫紉
三三二	發音 讀法 默寫 文法 會話 習字	徒手操 舞蹈遊藝	基本練習 歌曲樂典	普通衣類之裁 縫法補綴法
二九	讀法 默寫 會話 文法	同前學年	同前學年	同前學年
二九	讀法 會話 文法	同前學年	同前學年 樂器練習	同前學年
二九	同前學年 教授方法	同前學年 教授方法	同前學年 教授方法	同前學年 教授方法
三三一	讀法 會話 文法	徒手操 舞蹈遊藝	基本練習 樂器練習	

備考 右表內各種實習得於課外行之

訓令 第一一五號
六月七日

令京師公私立各中等學校

頃奉 教育部令第四五號開前據北京大學呈報軍警駐守學校各情當經商准警備司令部暨警廳已於日昨一律撤退所有各校生徒應即由各該校長職員等分別勸諭率領回校是為至要此令等因到局除分行外合亟令仰該校遵照辦理此令

訓令 第一一六號
六月十一日

令勸學辦公處

案查本局前據具呈人王富揆呈稱議組童子軍按照陸軍步兵操典教練並有南郊私立第十七第十

命令

八國民學校郊外南區房家村霽霖學校提倡加入以資研究呈請批示遵行等情到局當經核與局定辦法不符碍難認可令仰該處轉飭知照在案茲復據該具呈人呈稱體操一科按照操典已將徒手柔軟器械以及變換隊形完全練成請予核辦等情前來除批該具呈人所請應無庸議外合亟抄錄原批令仰轉致該管學區勸學員知照此令

訓令 第一一七號
六月十一日

令京師公私立各中等學校

頃奉 教育部訓令第二四三號內開案准京師警察廳函開六月九日下午據中央公園警察所報稱有法政專門學生八人在園內散布傳單三種一爲忠告軍界同胞一爲忠告警界同胞一爲同胞快起來殺賣國賊不殺賊國會亡掉啦檢同原件送請核示前來查忠告軍警傳單內容多有挑撥激烈之語軍警下士腦筋簡單不容感受激刺設因鼓盪致釀事端外則引起交涉內則妨害治安國家地方均蒙其害茲就警察而論不必有若何騷動情事即同時罷崗地方秩序已將立呈不穩狀況至曹汝霖章宗祥陸宗輿人格如何賣國與否另一問題但殺人行爲或唆使他人殺人刑律具有專條決非一般人所能任意而爲愛國者旣以救國爲前提更不當有踰越法律範圍之言論青年學子不乏明達之士法政專門學生尤當深明法意乃發出此種傳單實爲本廳所不解爲此檢同傳單函達查照務希轉知各校校長誥誡各生嗣後言論舉動當一以法律爲範圍如再散布類似前項傳單本廳唯有嚴行查禁以免

淆惑而重法令等因准此除函復外爲此令行該局仰即轉行所屬各校懇切誥誡各生等嗣後慎勿以涉及抵冒刑律妨害公安嫌疑之詞散布傳單致干查禁是爲至要此令等因到局除分行外合行令仰該校即便遵照誥誡爲要此令

訓令 第一一八號
六月十二日

令京師公私立各中等學校

准教育部普通教育司函開本部爲調查七年度師範中學實業等校暨師範講習所實況起見茲送上一覽表式三十五份請分別轉飭各校所遵照填造從速逕寄本部普通教育司以資便捷等因並一覽表到局除分行外合亟檢同原表一紙令發該校仰即遵式填造從速逕寄教育部普通教育司可也此令

計表一紙

民國七年 學校一覽表

校名地點	職員數		現有學生數	本年畢業學生數	每年平均數	全校總數	備考
	職員	教員					

命 令

訓令

第一一九號
六月二十一日

令京師公立各中等學校

案奉 教育部訓令第二四八號開本部現准國務院抄交奉 大總統諭通電內開各省經略使巡閱使督軍省長都統護軍使都護使鑒奉諭此次各校學生激於愛國熱誠不得已而有罷課請願之舉固爲國人所共諒現已由政府開誠披示務在曲順輿情力維大局自茲以後各學生應各安心向學恪守學規但使行動不越範圍國家注重教育自當加意維護以副興學育才之意等因特達院文印等因到部合亟令行該局仰即轉行通令一體遵照此令等因到局除分行外合亟令仰該校遵照此令

訓令

第一二〇號
六月二十六日

令京師內外城公立通俗教育講演所經理員金庚緒

案准京師模範通俗教育講演所函開本所續聘關君震華爲巡迴講演員自七月一日起每逢星期二三兩日到各公立講演所講演茲奉上講演表紙希轉知各公立講演所等因到局合亟檢同原表十分令仰該經理員知照此令

指令 五月一日

令京師公立北郊通俗教育講演所所長包庸

呈一件爲改訂講演閱書報時間請鑒核示遵由

呈悉改訂閱書報暨講演時間應予照准此令

指令 五月二十七日

令西郊公立第七國民學校

呈一件爲遵改花邊傳習所簡章請核示由

呈暨簡章俱悉查上年十一月間據該校呈擬附設女子花邊傳習班等情到局當經查該班係傳授婦女不宜附設於國民學校如係傳習幼女尙屬可行令再酌擬辦法呈候核辦嗣於本年三月間據呈送花邊傳習班簡章請核前來當以簡章內開各條有未盡妥協之處特予簽註發還令行改正後再行送局核辦在案茲既將簡章遵簽改正自應准予備案仰即切實辦理以收實效簡章存此令

指令 五月三十一日

令京師南郊公立三義菴村國民學校校長楊國興

呈一件爲擬辦露天學校請予備案由

呈悉該校添辦露天學校應准備案合亟令仰知照此令

指令 六月五日

令京師公立第三十九國民學校

呈一件爲增添班級擴充校舍呈請鑒核由

命 令

呈悉該校左近一帶缺乏女子高等小學校女生升學困難自屬實情當俟本局籌有經費再行設法推廣所請就該校地點增設高等班級及擴充校舍之處應從緩議至所稱該校學級不敷應用擬於暑假後學年開始增設一班一節事關整齊編制切要可行應即照准所有開班應用臨時經費務須先期呈局候核以便屆期撥給仰即遵照辦理此令

指令 六月五日

令勸學辦公處

呈一件爲呈送調查私立懿德國民學校報告暨私立懿德國民學校立案呈報表並簡章請核由

呈悉卷查本局於上年十一月間據中華基督教會附設懿德女子國民學校呈送課程表請予備案并新派員視察指示等情到局當以呈內所稱章程一分未據送到亦未填寫立案呈報表附送前來並課程表內僅列各年期各科目授課時數若教科及編制諸端均未詳細列入本局無從核辦除批示該校先與勸學辦公處接洽並候令知勸學員長前往視察具報候核外並令勸學員長前往該校告知各公立學校立案暫行章程並教會人民設學立案辦法八條俾資查照如能依照辦理即按照所填立案呈報表內各項調查確實並教則教法若何切實具報以憑核辦在案茲據呈送調查私立懿德國民學校報告及私立懿德國民學校立案呈報表並簡章等件請予立案等情前來查該校現有學生六十八

名分在兩處並未按多級制教授亦未行二部教授編制殊欠合法又查該校校長教員均未經檢定合格所請立案之處礙難照准立案呈報表發還此令

指令 六月七日

令京師公立第四國民學校

呈一件爲呈報教員辭席聘員試充由

呈悉查六年二月政府公報載 教育部通咨各省區文有以後各地方師範中學暨國民高等小學等校遇有管教各員缺額應就高等師範及師範學校畢業者儘先分別任用其偶有特別情形必須變通者准其聲叙理由呈請主管官署核示一面仍由各屬視學詳爲考查各校人員如有管教不宜難期得力者務令酌量撤換改派師範畢業者接充各等語本局當以京師情形相同令行各小學遵照在案嗣以各校長遵照此令切實奉行者固不乏人而視爲具文憚於改革者亦復不少故於上年十月間復本前令意旨令行各校長遇有教員缺乏時宜就師範本科畢業者儘先延聘本局對於此事所以言之再三者實以任用教員一事關係於學校者至鉅教員得人夫而後學校可期改善該校新聘教員李德潤核其資格並非師範本科畢業生該校此次延聘有無特別情形未據聲叙理由本局不得而知仰該校長於該教員試充期間如查有師範本科畢業生堪以充任者應即儘先聘用以副部令及本局重視教育之意履歷書暫存此令

命 令

命令

指令 六月七日

三十八

令京師公立第二十四高等小學校

呈一件爲擴充班次候令遵行由

呈悉該校擬於暑假期內添招高等國民各一級以便整齊編制專屬切要可行應准如所請仰即遵辦此令

指令 六月十三日

令京師公立第一商業補習學校校長李志權

呈一件爲學生修業期滿呈送證書式樣請核由

呈悉查局定商業補習學校簡章第六條修業期限晝班暫定爲二年以內夜班暫定爲一年以內又第十三條學生修業期滿得授予證書其證書式另定之茲屆第一二校夜班有期滿學生應授予證書特爲擬定式樣並說明發交該校製備俟發授後將姓名人數報局備查此令

指令 六月十三日

令京師公立第一商業補習學校校長李志權

呈一件爲請發審計處規定輿馬費辦法由

呈悉查前審計處規定各機關輿馬等費辦法本局曾於民國三年六月遵照教育部飭轉飭局轄各學

校遵照在案茲據前因合亟補行鈔發令仰遵照此令

指令 六月二十一日

令京師公立第一第二商業補習學校校長李志權

呈一件爲呈報考試學生成績日期並附表件請予鑒核由

呈表俱悉應即准如所擬辦理惟查此項學校簡章祇有修業期滿之規定初無畢業明文該校前呈證書格式註有畢業字樣業經本局改作修業證書指令遵照在案茲查來呈仍有畢業字樣似屬未合嗣後務望注意爲此令仰遵照表存此令

實用氣象學出版廣告

本書注意實地測驗所述方法極簡易明瞭以氣象學術得以普及爲宗旨全書共十八章約五萬言附列精圖數副及氣象常用表十數種爲研究氣象者所必需每冊價洋一元二角郵費三分

發行所中央觀象臺

農商公報廣告

農商公報體例分政事報告著譯選載四門酌仿公報之體兼備雜誌之長爲公布文告之機關發展實業之導綫編刊將及四載頗受各界歡迎材料益求豐富選述更切實用以期國人樂於購閱咸手一編藉收提倡實業牖啓新知之效凡願定購者請卽投函北京農商部編輯處接洽可也

▲閱報利益

- 一 本報材料或爲學藝之著述或本實地之調查閱本報者可以知全國實業狀況
- 二 本報廣告最多效力亦最大華僑營業廣告或商業廣告概按半價核收
- 三 凡有投稿本報一經登載均酬贈本報以材料之豐富定酬報之多寡

▲定報價目

代售	零售	半年	全年
均按七折核算	一册	六册	十二册
概售現洋	報費大洋三角	報費大洋一元六角	報費大洋三元
歐美各國每册一角二分	郵費三分	郵費一角八分	郵費三角六分

教 育 公 報

本報分命法規公續報告紀載譯述附錄及專件講演各門既仿公報之體兼備雜誌之長為公布文告機關發展教育導線刊行已逾五載頗受各界歡迎現自本年一月起編輯益加改良材料務求豐富總期國人樂於購閱咸手一編藉收提倡教育開拓新知之效凡願定購本報及願在本報刊登廣告者請投函教育部教育公報經理處接洽可也茲將該兩項價目表分別列左

(一)自八年一月起改定售價目(以前各年仍照舊價發售)


冊數	售		冊數	售	
	每冊	零		每冊	零
定	價	一	冊	半	年
本京城內	一	角五分	全	年	十二
外	三	分	冊	全	年
日	六	分	冊	全	年
新	九	分	冊	全	年
歐美南洋羣島及香港等處	一	角二分	冊	全	年
費	七	分	冊	全	年
郵	二	分	冊	全	年
注	一	元	冊	全	年
意	角	四分	冊	全	年

(一)自八年一月起改定招登廣告價目表刊資先繳並須現洋

有圖畫者由登主自備代招徠者以九扣酬勞

地位	價目	期	半年	一年	六年	全年	十二期
一	頁拾	元	伍拾肆元	玖拾陸元			
半	頁陸	元	叁拾貳元	伍拾捌元			
四	分之一肆	元	貳拾貳元	叁拾捌元			
注	意	前項送登之廣告如有屬於教科書教授書者以經本部審定公布為限其參考通俗教育各書以由郵批定為限					

呈 教 育 部 五 月 一 日



呈為轉報北京私立豫章甲種商業學校立案事項表請予鑒核立案事上年十一月間據北京私立豫章甲種商業學校呈稱竊維富國之道莫重於振興商業而興商之道尤在於提倡商學京師為全國首都商業之盛迥非昔比而商業學校甚屬寥寥敝校為應時勢之需要起見爰就豫章小學改組甲種商校暫設一班本年三月選收合格學生三十六名春假後即已開學授課職教各員均係遴聘相當人員分別擔任經費一項係於贛省地方經費項下每年提撥銀幣二千元又敝校房舍頗多前年將宿舍一部租與醫學專門學校年收租金八百餘元合本省津貼二千元辦理一班足敷應用將來班次增加再行設法擴充敝校成立已閱一學期關於學則課程均遵部章辦理所有敝校設立情形理合連同學則表冊等件呈請鑒核轉呈等因并表冊到局當經核閱各項表冊內容大致尙合惟該校校長係現任教育部主事按之 大部呈准官吏不得兼充學校校長辦法殊有未符經局行知該校飭即另推相當人員充任校長以符部章隨經派員查視一切辦法均照部定規程教授管理大致亦可惟兼任教員較多業經令飭該校設法改善俾策進行並將上年十二月三日 大部訓令第四七八號內開應備之說明

書及實業學校規程第一條內載應具之地基房舍平面圖令行該校遵辦以憑核轉等因去後茲據該校具報前來復據該校校長面稱敝校係屬私立校長并不支薪相當人員實難遴選故校長一職不易另推等語惟事關變通部章可否准予兼充之處本局未便擅斷理合檢同表冊據情轉予呈報 大部鑒核令示祇遵謹呈

教育部令

呈暨表冊均悉查北京私立豫章甲種商業學校立案事項冊開各節學生入學資格及該校建設計畫大致尙合應准備案至該校校長既係名譽職應將校長名稱酌爲變更以符部章仰即令行遵照此令

呈教育部 五月二日

呈爲北京師校派遣附屬小學教員前赴江蘇調查教育繕具履歷呈請鑒核事查北京師範學校前曾派員赴日調查教育業經呈報在案茲復據該校呈稱前奉鈞局訓令第三八號內開奉教育部訓令第四七號開嗣後各省區各校職教員應每年組織參觀團分赴教育發達各地方就其現狀詳加調查以爲採長補短之計並應將人數地點期限及考查後之報告書分別彙報以憑考核等因本校茲派定附屬小學國民二年級任教員趙恩壽國民一年級任教員張家聲二員赴江蘇教育發達各處就其最近教育狀況實地調查現擬於五月十五日起程往返約以五十日爲限除調查報告書俟該員返校後再行呈報外茲將履歷填就懇請鑒核轉呈等因并調查員履歷表到局理合檢同原表呈報大部鑒核施

行謹呈

呈教育部 五月七日

呈爲教會設立師範學校應如何辦理敬祈鑒核示遵事查上年十二月間據阜城門外私立上義師範學校校長張巽甫呈稱本校設立歷有年所其宗旨係爲造就師範人材使之終身從事教育所授學科悉照定章久欲呈請立案只因規模未備經費未充現因力謀改組就原有之學生四十名先編兩班一切經費均由聖母文學會捐助毫無竭蹶之虞伏乞貴局俯念興學之苦衷創設之匪易准予立案等情當經批令該校遵照師範學校規程第八十五條內載應行開具之事項逐一填繕呈報候核嗣據該校遵章填報前來隨經派員查視據稱該校辦法均係採用教會形式只於課程上遵照部定規程其精神實與教會無異各教員多係神父充任學生并有着用教會制服者禮堂懸有天主畫像教室懸掛十字牌一切規模大率類此等語爰即批示該校呈表均悉教會設立師範學校事無先例可援所請立案之處未便照准表件發還此批等因在案茲復據該校呈稱查我國自改革以來即宣布信教自由之條故不分民教同盡義務即當同享權利本不應有所歧視又何必添以教會二字生此枝節然貴局以事無先例不敢自專此乃慎守公法之至意但本校成立多年所需經費現已捐有的款倘因未准立案遽行中止不第灰捐贊者急公好義之心亦非貴局提倡學務之旨用是不揣冒昧再行瀆請務祈貴局仰體國家勸學之盛意俯念巽甫辦學之苦衷准予立案實爲德便等因到局查師範學校爲國民教育之基

礎關係至爲重要假令教會人民亦得辦理師範學校勢必至假辦學之名而行傳教之實就令純係辦學亦恐與本國師範教育之宗旨多所違背惟考之部章向無取締之明文故借詞駁斥終覺無所依據而師範教育又不應假手教徒所有教會設立師範學校究應如何辦理之處理合呈請 大部鑒核批示以便轉飭遵照謹呈

教育部令

呈悉查私立上義師範學校呈請立案一節應由該局查照敎民設學特別規定辦法酌量辦理此令

呈教育部 五月十二日

呈爲擬訂考選留日學生辦法敬祈鑒核備案事竊查本局爲發展地方教育起見擬選派員生五名赴日留學並擬借用京師留日官費生缺額以資派遣業經呈奉大部指令准予照辦在案所有關於選派學生事項本局自應及早規定辦法以期尅日舉行查此次呈准留日學生暫行辦法第二項內載學習高等師範者擬由師範中學畢業生考選學習工業者擬由中學畢業生考選學習教育專攻科者擬由小學校校長教員中選拔等語除小學校校長教員應由本局妥慎選擇外其學習高師及工業兩項學生一律經由試驗選拔試驗科目擬定爲國文外國語數學物理化學博物等科並加口試及檢查身體試期擬在暑假內以便試畢後即行東渡從事預備除俟試驗完竣再將選拔員生造冊呈報外所擬考選留日學生辦法理合呈報 大部鑒核備案謹呈

擬定本局留日學生暫行辦法

- 一 本局爲豫備辦理地方教育人材起見擬派學習高等師範者二人學習工業者一人學習教育專攻科者二人
- 一 前項學生其學習高等師範者擬由師範或中學畢業生考選學習工業者擬由中學畢業生考選學習教育專攻科者由小學校校長教員中選拔但其籍貫以隸屬京師者爲限
- 一 留學期限視所入學校畢業年限爲準其不嫻日語者得補習日語一年
- 一 留學畢業後有擔任本局指定事項之義務在留學期間本局如有委託調查事件或該地有關於教育之新發明均須隨時報告
- 一 服務期限在高等師範畢業者視國內高等師範畢業生服務之年限畢業於實業或專攻科者以四年爲限
- 一 除上列各項外其餘一切應行遵守之規則均照部定各項規程辦理

呈教育部 五月二十八日

呈爲據情轉呈事竊據北京中學等學校職教員趙繼曾等呈稱本月二十六日奉鈞局轉奉 教育部訓令飭所有停課各校應自奉到訓令日起即由該校長會同教職員督促學生限三日內一律上課等因正遵命督勸間忽謠傳四起僉傳警備司令決將於部限滿後遣隊分往停課各校威迫上課學生聞謠皇惑執念彌堅並謂學校倘被此壓迫教育前途何堪設想職教員等百方解說終莫釋其疑竇枝節橫出障礙轉多於是督勸之效更益以遠職教員等深抱遺憾籌思無已惟有據情呈請鈞局轉呈 教育總長代懇 大總統俯賜鑒察速頒明令禁戢謠騰伏念我 大總統仁愛爲懷向以教育爲國家生命之所寄扶翼培壅靡遺餘力今當謠譏紛蜚士心驚異之時必能善道護持斷不至使此風謠不幸而

或實見因以危及國命也且學生與軍警本風馬牛不相及萬一意氣相遇則風潮激盪難測所究職教員等心所謂危不敢不言亦知管教無狀立當引咎臨書屏營幸施矜納等情到局查自此次學界風潮發動以後各校職教員無日不盡維護之責雖迄今尙未恢復原狀而各職教員苦心勸導絕無畏難卸責之意假令謠傳屬實勢必枝節橫生轉於勸導維持多所窒碍恐屆時各該職教員亦必引咎辭職相率退去校事愈不可收拾矣惟有據情懇請 大部轉呈 大總統俯如所請學界幸甚敬呈

呈教育部 六月七日

卷 呈爲遵將受勳人員陸鑿等履歷表送請咨局註冊事前奉 大部訓令第一五五號內開案准銓叙局

第 咨開案奉國務院交教育總長請獎京外辦理學務著有勞績人員夏元璫等勳章一案業經本局核議

具呈於本年三月四日奉 大總統令夏元璫馮祖荀均晉給三等嘉禾章陳漢章朱希祖李景忠趙天

麟熊元襄均給予四等嘉禾章此令同日復奉 大總統令紐倫倫特畢善功均晉給三等嘉禾章此令

三 同日又奉 大總統指令呈悉夏元璫等已有令明發餘均如擬給章此令各等因應即抄單並依照勳

章收費細則填發夏元璫等勳章憑單四十六張暨洋員紐倫等八員免費憑單八張並檢同履歷表五

號 十四張送請查照轉發並希取具履歷咨復本局以憑註冊等因合即抄單並檢具原送陸鑿等受勳憑

單及履歷表令行該局查照轉發并將取具履歷送部以憑咨局註冊此令等因到局當將受勳章憑單及履歷表交受勳章各員分別存填茲將各員填送之履歷表計十四張檢送以便咨局註冊理合呈請

大部鑒核辦理敬呈

呈教育部 六月二十四日

呈爲各中小學校內有因學年銜接於暑假後亟需添班處所請另籌款發給事查各中小學校添招班級每在學年開始時期其所需之款亦須於學年開始時撥給方能於事無誤本年八月京師各校有爲班次銜接起見勢不能不招添新班者惟八年度新預算至今尙未成立而因添班增加之款屆時又不得不照數開支此時亟應預籌救濟方法以免臨時竭蹶查補助北京地方學務經費月領三萬零八百元按之預算數尙少一百五十元茲擬請自八年度開始時起按照舊預算數三萬零九百五十元發給此外再請按照舊預算全年臨時費一萬二千元之數逐月如數照發一千元如此辦理則經常費僅敷各校每月額支之款臨時費可作各校隨時活支之用庶收支比較不至過虧始足維持一時一俟新年度預算成立再按預算增加款數給領藉資應付爲此呈請 大部鑒核照發敬呈

咨京師警察總監

第一二號
六月七日

爲咨行事案查本局新設及移設學校歷經咨明 貴廳在案茲本局在正陽門兵部窪內中街門牌第三十九號設立京師公立第四十一國民學校及第六女子高等小學校按該校原係京師公立第一女子中學校附屬小學校設在西交民巷現因女子中學校附設師範班業已停辦無設附屬小學校之必要特移設該處改稱今名理合咨請 查照轉行該管巡警區署加意保護實級公誼此咨

咨京師警察廳

第一三號
六月二十六日

第 一 卷 第 三 號

爲咨請事據京師公立第十二高等小學校校長王峯呈稱現時玉姓空地既已購妥校園又亟待擴充前擬撥用毗連玉姓之官荒曠地警署查勘既有上述之種種窒碍自應酌量變通就前圖請撥之地南北計長十九丈內擬退出三丈留作官道俾通車馬東面本有餘地不虞障碍自於交通便利又玉姓空地並無丈尺基址一節查空廢隙地但係前清陳契皆無丈尺可按正不獨玉姓一家爲然從前習慣大都如此况本校請撥之官荒本與玉姓空地相連假使玉姓地基內仍有官地與私人權利當然不生衝突自無發生膠轕之慮至謂該處舊有倒座觀音菴一處安南會館一處早經坍塌均無舊址本校請撥之地有無此兩項地土在內均無基址可以證明且時遠年湮事勢推移該菴與會館必無興復之理即便日後有人持有確實憑據欲就地改作他項建築或有餘地在本校撥用之內屆時自不難於退讓第就目前情形而論以置而不用之地撥作學校應用於學校進行裨益良多爲此繪具圖說再請轉咨京師警察廳飭區速查以便興工而維學務等情並繪具圖說到局查該校長所稱各節均係實情如能量爲變通撥交該校應用實屬受益匪淺相應連同原送繪圖一紙咨請 貴廳查核辦理實級公誼此咨

批 第一一號
五月三日

原具呈人 劉鎮定
達詳 譚

呈一件爲設立工業專門講習所請予鑒核備案由

呈悉該具呈人因提倡工業設所講習用意頗堪嘉許惟此項講習所不在學校系統之內應按照學校系統外各項教育處所備案辦法逕赴勸學辦公處領取表紙填報該處候核所請備案一節暫從緩議
合行批示仰即遵照此批

批 第一二號
五月十六日

原具呈人王富揆

呈一件爲本月十九日舉行郊外南區各私立國民學校運動聯合會請批示由

呈悉查學校聯合運動會須由各校自行發起方能舉行所稱於本月十九日舉辦運動聯合會一節本局未據南郊私立第十七第十八等校具呈前來是否該校等業經同意本局不得而知無從予以核辦
合行批仰知悉此批

批 第一三號
五月二十八日

原具呈人北京武術體育會幹事胡岡

呈一件爲設立武術傳習所附送簡章等件請鑒核備案由

呈暨附件均悉該具呈人爲發達中國舊有武術起見設所傳習以期普及用意頗堪嘉許核閱簡章大致尙合既稱業經呈明教育部及京師警察廳各在案所請由局備案之處自應照准除送件存局外合行批示仰即知照此批

批 第一四號
五月三十一日

原具呈人北京中等以上學校職教員趙繼曾等

呈一件爲軍警干涉學校請轉呈教育部代懇頒令阻止由

呈悉茲經呈奉 教育部指令第一一〇二號開呈悉查現時學校停課除經本部令促各校限期上課外並無警備司令遣隊威迫之事自無由部代懇頒令禁戢之理所請應無庸議合亟令行該局仰即通知各該校職員遵照可也此令等因到局合行批示仰即知照此批

批 第一六號
六月十二日

原具呈人北京女子職業學校校長許頻韻

呈一件爲呈請立案頒發鈐記由

呈悉查二年九月二十六日本局布告第七十六號內載凡不屬於學校系統以內之各項教育處所無庸核准立案其有到局呈請者祇准備案存查等語再備案之教育處所向不頒行鈐記歷經辦理在案該校係在學校系統以外所請各節核與向例不符碍難照准合亟批示仰即遵照此批

致印鑄局公函 第一八號
六月十四日

逕啓者本局爲發展地方教育起見考選員生赴日留學業經擬具辦法呈奉教育部核准在案茲由本局出示招考以便試畢即日東渡惟京師面積廣闊誠恐未及週知特懇貴局將招生布告登入公報俾

期共曉相應檢送布告一紙即希查照辦理此致

致上海職業學校函 五月二十七日

逕啓者查職業教育一項吾國尙在萌芽取法既難人材亦復不易 貴校首樹風聲爲世楷模學界同人實所景仰本局爲謀畫京師地方職業教育之進行起見擬就中學師範畢業生中派遣十人入貴校肄業以爲將來推廣職業教育之準備如蒙慨允即祈 賜寄章程辦法全份以便早日進行相應函達 尙希 示覆爲荷此致

函公立各中小學校 六月十三日

逕啓者此次學術講演會特請美國杜威博士在教育部會場講演業經本局轉致各校查照在案查杜氏爲現代教育名家於新理多所發明久爲世界各國所崇仰此次在學術講演會講演之際本局曾請其對於中小學校教育開特別講演會二日以資參考除登報宣告外合行函請 貴校職教員屆期早時 蒞臨無任切禱此致

易縣閻寶森著

蟻

之

研

究

一册定價大洋二角

研究動物學者必備之書

是書共分九章就蟻之族系種類形態器官生活狀況事業與植物之關係與動物之關係與人生之關係分章研究條分縷析纖細靡遺且插畫精詳至四十餘圖誠研究動物學中之傑作各校擔任斯科者不可不備之書也

寄售處

京師學務局教育行政月刊發行所暨分發行所

北京商務印書館

中華書局



榮英劉耀曾王峯舒慶春等參觀蘇省小學教育報告

南京高等師範附屬小學校概況

甲 教授

一 教材之選擇 各科教材除英文理科外均教員自撰教員每週擔任至多者七百分鐘故選擇搜討時間頗富裕也國文科時加入時事材料使兒童洞悉世事而知應用文字之理法也國民科概用白話體以期文言一致至手工圖畫教材多注意實用高等二三年級則專習木工

二 時間表之分配 察功課之難易輕重與兒童興味之濃淡而長短其教授時間求適合兒童心理而減空耗時間之弊也高等科率多三十分鐘易一科目國民科則絕不相等（日課表附後）

三 教授之實施 注重養成自習之習慣教材求合實用而務聯絡使兒童所學為完全之個體非碎片之知識各科有主任員該科之責任有研究會以謀一科之統一有教材預定會以課各科之聯絡凡所教所學以建造與實行為主旨故能在室外教者無不在室外校外行之地理理科園藝常在室外或校外教授之他如童子軍游戲田徑賽等均列入正課使兒童每日間頭腦之活動與身體之活動

各得平均教授時兒童舉止不加以嚴格之干涉啓發處多注意於實際不作泛泛空談兒童發表關於實物者即使繪圖於黑板一課結束時即引其下課之要求心以啓其預習之努力教授算術注意心算之敏捷算式中多省去符號使自行觀察其爲加爲減算式中能以心算求得數目者即減少算式之層次以省手續其用字多用商店通行者以期實用英語科注重會話教師至課堂則羣呼早安或午安教師復答以普通之英語以練習耳音手工科每日午後高等二三年生有三十分鐘之木工製作製作品多學校需用者圖畫教材切實與手工聯絡如製作圖是也體操科注重田徑賽之競爭而無器械體操每週各級舉行比賽期互進焉音樂科均用正譜以免正蘭譜兩次教授之耗費時間也教室中教師發問或復演兒童皆坐答並不起立蓋一起一坐有碍時間之經濟也教授時師生皆習用國語

四分團教授 一級之中兒童之聰明智力良痞不齊是關於天賦而當以人力完成之也對於優秀者不得抑止其本能惡劣者亦當度其能力施以適切之教育使逐漸發展各盡所長此分團教授之所見重於當世也該校各級由教師考察能力判別優劣行學級教授而參加個別教授法兒童優劣由教師隨時調查而不明分團體教室坐次亦優劣相間恐因明畫區域而減劣等兒童求學之興味也英語科程度略低者另於課外爲之補習即不行分團教授

五幼稚園式教授 以六七歲體力未豐之兒童而使之危坐一時以六七歲腦力薄弱之兒童而強灌

以知識其良好結果固難見目爲害甚巨也夫初入學兒童甫脫離家庭即欲納之軌道強其難能則入學之興趣失滅而教授之方法失其效矣况幼稚兒童不辨良否有興趣則喜無興趣則厭予以課本強其讀誦其無興味也可知幼稚園式教授者即根本興味問題而求兒童心身並茂者也其教材就家庭學校學校園各方面之情狀及兒童日常見聞之事物隨時取用惟求各科之互相聯絡約一週一單元或二週一單元例如教材爲校園之花則先率兒童往校園直觀各種花類並使細數花朵然後入室談話不越花之範圍復教以花字之音義及寫法次教授數目字次唱花歌次施彩畫花次剪紙作花則兒童對於花之觀念由觀察而發表雖劣等生亦能奏良好之結果至教材之選取則於先一星期編定之功課表之支配務求頭腦筋肉平均活動每一時四十五分鐘必作兩種課程上半時用腦則下半時用筋肉此外若恩物及談話爲幼稚園中主要科目國民一年生亦當視爲重要每單元之始先之以談話徐徐引入繼之以恩物或親自審視或親手做造以直其觀念而堅其記憶授文字時均用問答口吻隨談話中引出則兒童迎刃而解無枯澀之弊也各科目聯絡則左右逢源無扞格不入之弊也

刊 月 政 行 育 教 局 務 學 師 京
六練習木工 小學校中之手工以木工爲最有價值而製造物品亦以木工爲最合實用故高等二三年級完全習木工製造物品歸學校使用者即免收材料費以示優異工場之佈置宛如匠師所居之地工具極爲完備因求其技術之純美乃減少他科目之教授時間每日必有三十分鐘之木工練習

作業有助教協助裁製及指導作法

七教順及要細目 教順由教師任意規定無一定之約束要目正在編製之期要目擬妥從而調製細目因教材自選故要目之支配頗耗時間也

八揭示教育 各科成績隨時揭示於庭中以資觀摩關於報紙上之像片亦隨時揭示並書簡單之說明於其下學校新聞每星期四出版一次率由學子投稿焉

乙 訓練

注重優美正確明瞭恭敬勤儉誠實合羣以養成高尚之人格爲目的舉止務求活潑自如一切作業均使自活不加以嚴格之禁止有巡察團爲習在社會中自己制裁之機關其組織略似警察同學有正當行爲則勸告之不從則稟之知團長復加以訓話團長教師擔任之有健腦會有烟酒癖者使入會以漸次戒絕而全體職教員亦無烟酒之嗜以身作則也有學生會議關於校事有所發表則開會討論之議決事項復由教師通過即可施行宛如參衆兩院之制焉關於團體之訓話則每水曜日舉行週會除教師訓話外學生可自行發表意思藉以爲練習國語之機會此外每日課前五分鐘課早操先升國旗兒童向國旗行童子軍敬禮蓋高級生均童子軍隊員也操後至教室有五分鐘修身以涵養其高尚之品行寄宿生宿舍內讀書最安靜者門前插以旗旗分五色順序懸掛五色俱備者獎以圖畫或器物以爲宿舍之裝飾及名譽之褒獎課外服務掃除之外更有實習烹飪費用學生共納之烹調後即歸學生

食用之劣等生之救濟設補習會以補習學業行特別訓話以感化其頑劣凡妨碍公衆攪亂秩序者即使之離羣孤立俾自己覺悟團體之重要與個人對團體應如何維繫與協助之道紀念日節日有可利用者無不盡力利用之教授與訓練常相聯絡不使之分立也

丙 養護

一方面獎勵體育一方面防護疾病於正課內特設衛生一科使略得衛生之知識校中有中西醫及看護婦按時檢察身體有疾病者爲之調治藥品由學校購備之國民一二年教室中有牙刷及漱口盂每人一份兒童手口有墨污者隨時盥漱以保持清潔高級則獎勵其自喜清潔並設有浴室以爲沐浴之所

丁 設備概況

教室牆壁塗淺湖色以減劇烈光綫之反射桌椅式樣如北京之新式者惟椅面有凹以平穩臀部教室中設有教師預備功課之桌椅及書櫥即不另設預備室教桌設於教室之一隅無講臺黑板位置甚低普通教室凡四其餘爲特別教室學生無一定教室隨時更動教室桌中亦不得安放書籍因每時必更動也另有書架爲安放書包之地職員休息室內設有臺球樂器等以爲課餘娛樂之地焉

戊 校務分掌及討論會

全校事務由職教員分部管理之略分晰如下

裝飾部 學籍圖書部 修理部 童子軍部 英語部 文牘書記部 衛生部 招待部 工藝部
學校新聞部 家事部 理科園藝部 史地部 國語文學部 體育部 數學部 美術部 庶
務會計部 音樂部 事務部以上各部於每週自行會議討論改進方法有所主張更於聯合會時提
出共同討論之

一 江蘇省立第四師範附屬小學校概況

甲 教授

卷 時間表之規定普通科目率三十分鐘爲一結束讀法則高等級四十五分國民級三十五分教授時課
堂內尙嚴肅整齊教授有一定順序由教師編定之各科均重實用手工科高二三年級純習木工課外
更有木工會以資練習圖畫科多習商標畫及廣告畫等國文則普通文字與應用文字並重高等科增
加國文算術英文之教授時間以爲升學之準備至鼓舞兒童之研究心乃於課外設種種作業若木工
三 會音樂會圖畫會園藝等高級生每人至少須入一會每日按組作業由教師指導之商業之實習有儲
號 蓄銀行及販賣部販賣部本金即利用兒童儲金販賣以學用品爲主其佈置純如商店關於職業教育
之設施則普通注重木工更擬設第二部專施工商教育

乙 訓練

團體訓練尙有規律之活潑有訓話室室內懸偉人圖像有犯過者則至室中行膝前訓話劣等生之管

京 師 學 務 局 教 育 行 政 月 刊

理不加以嚴勵之懲罰惟時時至訓話室行各人訓話值羣兒遊戲之際彼獨受教師之訓誡雖未明加以責罰而其衷心已自覺痛苦或可慚怍收斂也高等三年級有反省會每星期六舉行之高等二年級有自治會意在自行制裁也操行考察於學期末由本級級任評定甲乙復由全體職教員表決之

丙 養護

衛生事項由童子軍主持之校中備有普通治療藥品時請西醫來校講授急救法童子軍及全體職員皆列席聽講焉

江寧高等小學附設洒掃小學校概況

甲 編制

高等兩級國民複式一級因開學伊始學子無多

乙 教授

課程均遵小學校令教科用書多取中華書本教授方法取自動主義選擇教材以實用爲主

丙 訓練

學子出入教室均排隊呼口令團體管理尙嚴肅個人管理尙寬厚校訓爲實勤廣三字衛生以清潔爲基礎除每日掃除教室庭院外每週必行大掃除一次

丁 設備

接待室懸有各種表冊教室前揭示學生成績及姓名牌操場極寬大平坦空氣頗佳

江寧城內區立第一高等小學校概況

甲 教授

採自學輔導主義多注意於兒童之自習國文手工圖畫唱歌體操等科教材皆自選餘則用教科書英語時間加多且偏重會話以資實用校外教授每年春秋二季舉行之並有教授案以供研究（教授案附後）

乙 訓練

取有規律之活潑以免叫囂浮躁之弊校訓爲公勇勤誠四字各級更有特別訓練以矯正全級之缺點每月曜日行全體訓話以偶發事項爲材料學子有不規則之舉時時施以個人訓話冀其愧悔自新

丙 童子軍

校中有童子軍兩團占全校學生四分之一三訓練與師範學校之童子軍無異觀其學子舉止之肅靜出入之有秩序或即童子軍訓練之功歟

丁 教育研究

每土曜日下午課後舉行職教員會議討論教授訓練等事項有偶發事項得臨時招集全體職員開會討論之

戊 課外作業

除值日掃除及校園作業外更有游藝會以爲課外作業之統轄機關會分四部曰文藝部以增進知識爲宗旨概分閱書詩鐘射隱聯語四種曰講演部以練習言語爲宗旨曰體育部以運動身體爲宗旨概分足球臺球木球遊戲四種復分組練習焉曰音樂部以陶冶性情爲宗旨樂器僅用笛簫風琴三種由教師指導練習之

暨南師範學校附屬小學校概況

甲 教授

各科均用教科書惟國文參加補充材料英文科每週加授數小時因兒童皆南洋華僑子弟也全校只兩級國民一級高等一級教授方法注重啓發理科試驗有特別教室以便於觀察高等科手工以木工爲主木場製作臺取日本式製作均學校需用之品將來擬設職業科專施工商教育焉

乙 訓練

學生尙少管理全持自然主義又以華僑子弟遠離家鄉故宿舍等均取家族制度校長家屬即屬於校內以爲學生家庭之模範及家族之娛樂

丙 設備

校園室食堂皆聽學生自己組織以求適合家族制度之旨趣課外運動注重籃球網球至全校之擴充

擬設十六級分爲四部純取家族社會制一切設施正待籌畫也

江蘇省立第一女子師範附屬小學校概況

甲 編制

全校凡八級國一二及高一二三均單式職業科兩級一爲專收高小畢業未能考入中學而補習者一爲家事職業科不限資格與年齡也

乙 教授

教授方法國二及高一二均取活動分團式其餘學級則取自學輔導主義教授時施種種手段務求兒童能實際領會教材之壺奧並時時涵養其淑養之德始課前入教室齊唱關於道德修養之歌唱以鎮定其心志陶冶其美德唱歌畢點名而後教授國民一二年算術科之練習暗算時加以耳目之觀察或以教鞭輕敲地板或以手作式使兒童暗記響數與指數以練習耳目之聰明教法既不呆板筋肉亦得活動勝於只作心算題之枯槁無味也珠算教授常用筆算題練習以期聯絡用算盤時桌上不准設筆紙及石板以免其用筆算計數之弊蓋兒童入學先習筆算後習珠算程度懸殊往往以筆算求得結果而後運用盤珠也珠算練習尤注意迅速時使優等生報數劣等生演算之以練習手指至算術一科用腦最爲劇烈爲長時間之演習恐有碍於腦之康健故至長時間以三十分爲限而一週之教授時間則遵照部章未曾減少也國民級讀法難字句由教師提出按次探問解釋詞句均極切實明瞭理科教授

除在教室內用儀器標本證明外更引至博物館參觀或行臨時講演以確實其觀念音樂科國民一二年用口授不用音符歌詞多自撰以求切近自國民起即用正譜課外更有音樂會以資研究兒童自習常獎勵其努力寄宿生則每晚有三十五分鐘之自修

丙 訓練

以一學級爲一民族學級外爲社會即學級外一切施設均含有社會行政之意味民族各爲風氣但不能違背校訓主任教師爲族長支配一族之作業關於行會中者則有公定規條不勞族長之監視也教師學子均爲公民分擔社會中一切服務校址在中正街即名校中之社會曰中正市市有儲蓄銀行練習滙兌儲蓄等事學子儲金以銅元一枚爲最小數職員則每月強迫儲金二元手中闕乏時亦得告貸於銀行限以償期並略收利息兌換價值較商店便宜學子家庭常至校中兌換學校之信用於是乎著銀行分三科曰會計曰計核曰營業各有定章高級生按組值日以資練習市有郵政局既爲郵政之練習復爲出入書信之檢察其形式規程概遵國家制度市有新聞社按期發刊有訪事十二人每週必投稿兩次由社長選錄之市有圖書館圖書分八部各級循環觀覽教員另有閱書會校中新購書籍教員分組觀覽而後開會各述心得以期識見溝通市有通俗博物館每週開館三次任學子入館參觀陳列物品按教科分類每類有指導員參觀者有疑問則指導員爲之說明遇特別事項可隨時開館以便觀察市有裁判所掌市中之裁判權凡市內民族相互發生關係及其發生地點在民族外者均應受裁判

第 一 卷 第 三 號

所之裁判凡市民不依本校法令時初犯則令其自省改過次犯則令其他同學勸告之再犯則令其對公衆宣布立誓如仍不改則令其退學凡市民應服之義務均由本所監督之（詳細規程附後）市有公園概分四區公共園二區蔬圃一區國花園一區國花者牡丹也市有模範家庭高級生實習家事之所也市有講演團練習口才發表思想者也以上諸項以學生爲主體而教師協助之此外更有市事務所二所中分統計文書視察等部以職教員爲主體即校務分掌之意也視察者視察市中當改革之處而報告於事務所徵求意見力謀改進焉國民級之訓練尙活潑高等級則尙肅靜以匡正地方風俗之劣點寄宿生夜間自修時間後可自由結會稟明舍監得其許可則函請教師蒞場助興教師聽其自由娛樂絕不加干涉也

丁 養護

市有紅十字會會長以家事主任任之兒童有危險時行急救法治療之校中備有應用藥品十數種看護生則以高三學生任之聽會長之指揮焉食堂兼作自習室之用桌有抽屜安放書籍復有安放零食者舍監掌管鑰匙非星期六日不得開鎖取零食也

戊 教育之研究

中正市有市教育會內分四部曰談話部教師有所發表則隨時招集全校教員談話或請名人講演曰訓育部每學期開會一次討論訓育事項曰校行政會議每月會議一次討論校中一切進行事項曰教

授研究部部分三股曰文科研究股曰理科家事研究股曰技能科研究股開會有定期學期之始規定妥適不得臨時變更之教授順序隨時改良即由研究股分股討論之

上海職業學校概況

甲 編制

校分四科曰木工科曰鐵工科曰鈕扣科曰磁瑯科普通科目如修身讀法等則各級同程度均合併教授之磁瑯正在籌備之期俟暑假後方能完善

乙 教授

上午各級均習普通科下午均習專科木鐵兩科聽學生自由製作教師指導之如木工之鏡架盆架鐵工之窓鈕等除本校應用之桌椅用具及外界定活時有一定之製作平時專作日用靈巧之品鈕扣科則作靴鞋皮夾上一切之鈕扣學子各司一事循序作成一鈕扣蓋需三十餘次手續也鐵工與鈕扣均用機器木工則專賴手造三科工作均互相聯絡以期進步現在鐵工科所作大半為磁瑯之需要品也普通科教材均由教師自選尤注重商業道德及陶冶以求達職業教育之目的焉

丙 訓練

以學生自治為立全校之組織以市行政法規規定之如市販賣所市儲蓄銀行市圖書館及消防隊園藝等事茲列表於下

職業訓育表

會 議	事務部
	區長(按宿室分區) 學生服務(銀行販賣部)

師生合組

裁 判 初級裁判——高等裁判

學生請假外出有請假証由教師簽字然後持証至市事務部領校外出以期周密而減教師之勞動寢室分若干區由區長支配一區應作事務即不設校役焉裁判有不服時得請教師為律師而上控裁判確定時判決錄均書個人宿舍內之符號概不明書姓名以養其愛名譽之心消防分兩大隊一救護隊每月練習一次關於消防之事項一勞動隊專司搬運器具等事校中設有警鐘以資練習焉

北京高等師範學校

數理雜誌

改良

擴充

宣言

本誌向例年出兩期材料豐富取材新穎茲鑒於外國數理之學日新月異本國人士漸有研究數理之覺悟非將本誌大加擴充不足以達本會提倡數理之目的茲定前四期為第一卷從本年起年出一卷卷共四期雜誌內容亦大加改良其較著者概舉如左

- 一、蹊蹊的數理教授法
 - 二、數理研究法
 - 三、數理之根本問題
 - 四、最近數理新學說及其傾向
 - 五、數理界新聞
 - 六、數理的發達沿革
 - 七、初等數理資料
 - 八、名人著作
 - 九、名人講演
 - 十、通信討論
- 會外投稿及通信（無論學理之討論或批評本誌）均所歡迎

北京高等師範數學學會啓

發行處

第二卷第一期要目

價目

每年二角郵費二分半
全年四期八角免郵費
郵票代錢不折不扣
前定雜誌者依新舊價目扣合代售另議

- 什麼叫做數學
- 數之性質及其意義（數論二）
- 平行論
- 三角形幾何學
- 幾何學上三大問題之歸宿
- 物理量釋義
- 力與功用及工率間之關係
- 數學夢
- 初等數學直觀教材
- 馮漢淑先生著微分方程
- 北京物理學會演講錄
- 雜錄

總發行處北京高等師範數學學會
代售處本校工學會
書報販賣部
各數學學會
各書坊

平 民 教 育

本報旨在發揮平民主義
提倡新教育每週出一號
每號銅元二枚京外二分
半年二十六號半元全年
五十二號一元郵票代價
不扣但限三分以內

發行所 編輯所

北京高等師範學校

平民教育社



京師學務局補助北京地方學務經費中華民國八年五月分支出計算書

上月分結存數

四二、四九五

支出經常門

本月分實領數

五月二十九日收 一五、四〇〇、〇〇〇
六月十四日收 一五、四〇〇、〇〇〇

本月分結存數

二八、七二二

科目	目	本月分支出		比增	較減	備考
		付本月預算數	本月分支出計數			
第一項京師學務局補助北京地方學務經費		三〇、九五〇、〇〇〇	三〇、八三三、七八三		一三六、二二七	
第一目京師勸學經費		一、三三〇、〇〇〇	一、三三三、〇〇〇		一八、〇〇〇	收據第一號
第二目中學校經費		八、二三〇、〇〇〇	七、八七六、〇〇〇		三五四、〇〇〇	收據第二號至第十二號
第一節中學校經費		五、九六〇、〇〇〇	六、四二六、〇〇〇			
第二節女子中學校經費		二、二七〇、〇〇〇	一、四六〇、〇〇〇			
第三目小學校經費		一九、九五〇、〇〇〇	一九、九六五、七八三	一五、七八三		收據第十三號至第一百三十七號

紀載

一

第一節 國民學校經費	六,八〇〇,〇〇〇	四,八七〇,三二五				
第二節 兼高等小學校經費	九,六〇〇,〇〇〇	一〇,四三〇,五六八				
第三節 兼女子高等小學校經費	二,〇〇〇,〇〇〇	二,二五九,〇〇〇				
第四節 乙種實業學校經費	七五〇,〇〇〇	七三〇,〇〇〇				
第五節 補助學校及教育處所經費	八〇〇,〇〇〇	一,六七六,〇〇〇				
第四目 通俗教育經費	一,五五〇,〇〇〇	一,七六〇,〇〇〇	二一〇,〇〇〇			收據第一百三十八號 至第一百七十二號
第一節 講演所經費	九七六,〇〇〇	一,〇六三,〇〇〇				
第二節 閱書報處經費	七四〇,〇〇〇	五三〇,〇〇〇				
第三節 補習學校經費	五〇〇,〇〇〇	六四五,〇〇〇				

本月分支出合計 三〇,八一三七八三

七年七月至八年四月共計 三〇二,九四五,四五〇

總計支出 三三三,七五九,二三三

支出臨時門

上月分結存數 一、八〇四、〇〇〇
 本月分實領數五月二十六日收 一、五〇〇、〇〇〇
 本月分結存數 四、八〇四、〇〇〇

科	目	本月分支出計數	備	考
第	項			
第	目			

七年七月至八年三月支出共計七、〇九七、〇〇〇

京師學務局補助北京地方學務經費中華民國八年六月分支出計算書

支出經常門

上月分結存數 一、二八、七二二
 本月分實領數七月二十六日收 一、五、四〇〇、〇〇〇
 本月分結存數 三、四、二二八

科	目	比較		備	考
		增	減		
第	項				
第	目				
京師學務局補助北京地方學務經費	本月分支出預算數	三〇、九五〇、〇〇〇			
	本月分支出計算數	三〇、七九四、四八四	一、五五、五二六		

第一目京師勸學經費	一,三三〇,〇〇〇	一,三三三,〇〇〇		八,〇〇〇	收據第一號
第二目中學校經費	八,三三〇,〇〇〇	七,八二四,〇〇〇		四〇六,〇〇〇	收據第二號至第十號
第一節中學校經費	五,九六〇,〇〇〇	六,四〇三,〇〇〇			
第二節女子中學校經費	二,三七〇,〇〇〇	一,四二三,〇〇〇			
第三目小學校經費	一九,九五〇,〇〇〇	一九,九二七,二二〇		三,三八〇	收據第十一號至第一百三十三號
第一節國民學校經費	六,八〇〇,〇〇〇	四,六二四,二五〇			
第二節高等小學校經費	九,六〇〇,〇〇〇	一〇,九七〇,三七〇			
第三節女子高等小學校經費	二,〇〇〇,〇〇〇	一,九八六,五〇〇			
第四節乙種實業學校經費	七五〇,〇〇〇	六七〇,〇〇〇			
第五節補助學校及教育處所經費	八〇〇,〇〇〇	一,六七六,〇〇〇			
第四目通俗教育經費	一,五五〇,〇〇〇	一,八三二,三六四	二八二,三六四		收據第一百三十四號至第一百六十八號
第一節講演所經費	九七六,〇〇〇	一,一三八,三六四			

第二節閱書報處經費	七四,〇〇〇	五二,〇〇〇	
第三節補習學校經費	五〇〇,〇〇〇	六四一,〇〇〇	

本月分支出合計 三〇,七九四、四八四

七年七月至八年五月共計 三三三、七五九、二三三

總計支出 三六四、五五三、七一七

上月分結存數 四、八〇四、〇〇〇

支出臨時門 本月分實領數 無

本月分結數不敷銀 三九七、一二三

科	目	本月分支出 計算數	支備	考
第一項	第一目各中小學校設備費	五〇二、二三三	收據第一百六十九號至第二百三十一號	

本月分支出合計 五二〇、一二三

七年七月至八年五月 七〇九七、〇〇〇

總計支出 一二三、二九八、一二三

紀 載

紀

載

六

理
化
雜
誌

出
版
預
告

本雜誌係北京高等師範學校理化學會所編輯專以研究物理化學兩科之學理及其教授法為宗旨內容豐富理論精詳深合國內中等學校理化教師及有志研究物理化學者參考之用第一期定於本年五月出版茲將定價郵費列表如下

條 目 冊 數	定 價		郵 費	
	現 款	郵票代錢	國內及日本	其 他
一 冊	二角五分	二角六分	二分半	十 分
全年二冊	四 角	四角二分	五 分	二十分

發 行 所 北京高等師範學校內理化學會事務所及學生售品所

教育潮

第一卷第五號出版

定價

一册 一角三分
一年十册 一元二角

目 錄	著 者
我的人生觀	仲九
教育的改造	楊賢江譯
非「愛國主義」	保時
四聲同詞類	周祐
對於中等學校國文教授的意見	仲九
西山究竟怎樣？	經亨頤
願犧牲就是新思想	經亨頤
今後小學校教授上的重要問題	朱文叔
新式標點用法	陳望道
文字爲什麼要橫行	施存統
隨感錄	
通訊	

郵費

國內 每册一分五厘 全年一角五分
日本 每册一分 全年一角
其他各國 每册六分 全年六角

總發行所

杭州平海路教育潮社

代售處

本埠 商務印書館 中華書局 問經堂 第一師範學校書報販賣部 教育館 有正書局

紹興 亞東圖書館(上海總代售處)

吳興 馬神廟東口松公府七號少年中國月刊社

上海 院前十號齊魯通信社

北京 商業學校互助販書社 橋頭街晉新書社

濟南 高等師範學校學生貿易部

太原 體育週報社 羣益圖書公司 第一高等小學校狄昂人君 保節街育英學校胡博

廣州 蘇州派報社張海卿君

長沙 衡州派報社(成都總代派處) 桂王橋

衡州 陳岳菴派報處(成都總代派處) 昌福館中間華

成都 北街華洋各報總代派處 陽書報流通處

武昌 中華大學梁紹文

南京 蒼西門大街威建樹福堂大藥房

日本 東京菊坂町九六山崎方楊副志君

京師公立第六高等小學校學生身體檢查統計表 中華民國七年年度檢查

備 考	疾病	齒 牙 食 血 病	耳 有 齙 齒 者	聽 力 有 障 害 者	眼 疾 顆 粒 性 結 膜 炎 其 他	視力									體格		肺量								胸圍							體重			身長			年 齡																						
						右眼			左眼			兩眼			薄 弱	中 等	強 健	平 均	最 小	最 大	總 量	後屈			前屈			右彎		左彎		之盈 差虛			常時				平 均	最 小	最 大	總 量	平 均	最 小	最 大	總 長														
						其他 近視 遠視 正視	其他 近視 遠視 正視	其他 近視 遠視 正視	其他 近視 遠視 正視	其他 近視 遠視 正視	其他 近視 遠視 正視	弱 中 強	弱 中 強	弱 中 強								弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強	弱 中 強										弱 中 強	弱 中 強	弱 中 強											
															弱	中	強	弱	中	強	弱																		中	強	弱	中	強	弱	中	強				弱	中	強	弱	中	強	弱	中	強	弱	中
						正	正	正	正	正	正	弱	中	強	弱	中	強	弱	中	強	弱	中	強	弱	中	強	弱	中	強	弱	中	強	弱	中	強	弱	中		強	弱	中	強	弱	中	強															
																																																												十二
																																													二十三															
																																												二十四																
																																												二十五																
																																												二十六																
																																												二十七																
																																												二十八																
																																												二十九																



學校衛生

Schulhygiene

(續)

李策安

第七章 學校對於生徒之保護義務

此即所謂保健法。主要於維持身體之健康。並預防疾病之發生也。分爲身體上之保護。及精神上之保護二種。於學校中。可定爲訓示。公布。而施行之。

第一節 身體上之保護

一、身體全部之保護 分叙數條如次。

(一) 新鮮空氣。輝耀日光。爲維持吾人健康上所不可缺者。故凡居室寢室之內。須使日光能自由照入。空氣能完全流通。

(二) 每日須以冷水起始可用溫水洗濯全身。而摩擦濕冷之身體表面。或行洒浴法。以鞏固其身體。過八日至十四日間。入微溫浴一次。以清潔其身體者尤佳。

(三) 溫暖時節。務至戶外行海水浴。入浴時候。最短須在十分鐘以內。浴後以乾燥手巾擦其皮膚。緩着衣服。散步數刻。以取體溫。若在光和風清之日。浴後雖裸體以晒光線。亦可。

(四)朝晨起床後。須清潔其口齒。雖在飯後。亦須勵行。

(五)在戶外。每日須有定時運動。如遊戲。跑步。跳舞。柔軟體操。游泳。滑冰。園藝等。均可採習。

(六)衣服不可太暖。被帽宜輕。胸廓及四肢切忌緊束。

(七)鞋靴之底。須適合足之形狀。上面包皮。須高於外側。後跟須取其幅廣而低者。

(八)衣服靴襪。遇濕潤時。須速換乾燥者。

(九)飲食以適度爲主。凡惡劣食物。及不易消化者。均不可食。刺戟性強烈物。如濃咖啡。茶。藥類。多鹽類。煙類。酒類。及生肉等。不可食。又高於體溫及冰冷者。亦不可食。故食物務取其簡單者。且須養成每日三次之習慣。

日三次之習慣。

第 十 飲食後或罹病後。切忌過勞精神。須遵早睡早起之制。就床前。亦忌身體過勞。不然則精神興奮。有妨安眠。

三 二 呼吸器之保護

(一)須閉口呼吸。

號 (二)避塵埃。若空氣中含有不良臭氣者。不可吸入。室內及戶外。亦宜避去塵埃之浮游。以防侵襲於呼吸器中。

三 室內及床之四圍。切不可吐痰。

(四) 在休息時間宜出講堂外稍事運動。

(五) 夏日用功及動作處之窗戶須大啟放之。以通空氣。在天候佳良時。窗戶或門戶。每日須開放數次。使室內空氣得換新氣。體溫昇騰時。切忌侵襲冷氣。寢室之窗亦宜半開。冬季可設適當之煖爐。以調節室溫。

(六) 朝夕宜嗽口數次。每食後亦宜以新鮮冷水清潔其口內。以間接法清潔呼吸。

(七) 在動作時切勿壓迫腹腔。或彎屈胸廓。

(八) 倘有閑暇。可於新鮮空氣中行活潑運動。而胸廓及腹腔諸筋。由身體之運動作用（如跑步球戲等）尤得以強壯。

三眼之保護

(一) 凡在微明朦朧時。不可讀書寫字。複光之下。亦忌作細小手工。

(二) 晝間日光強烈之時。雖應開窗。採集光線。然桌椅之位置。則須在窗之左右側。而光線更不可使直接落射於工作之材料上。

(三) 燈燭不使有暗色蔭蔽。可稍置於左目之左側。若在光線顛搖時。或車中床上。均不可讀書。工作時所用之燈燭。須備罩子。擇鐘狀或乳色玻璃者最宜。

(四) 讀書習字時。上體須保持正直。胸部不可凭於几案之邊緣。頭部可稍傾於前方。薦骨部毋倚椅

靠。

(五)寫字時。須斜置於胸前之中央。文字之縱線。宜與桌邊成鉛直形。(指寫歐字)

第 (六)讀書之際。脊柱凭於椅靠。以兩手持書。斜定几上。而眼與書之間。最少須保持三十生的適當之

距離。

一 (七)寫字宜用濃黑色之墨水。印刷物亦以色澤明著為宜。

(八)眼若稍感疲勞時。急宜休息。此時可散步於戶外。

卷 (九)患重病後。須保護視器於暗色光線中。切不可遽觸強光。否則戴有色眼鏡亦可。

第 (十)倘○埃侵入眼內時。切勿妄施撫擦。雖在不得已時。亦須以指頭自外側向內側而輕撫之。若尙不能去者。須延醫診治。

三 (十一)有視力障害。或生眼疾時。須詢問醫生。應否用眼鏡。或眼鏡應否長用。又遠望(黑板等)及寫字時。戴用眼鏡否。其度數若何。均須詳酌。

四耳之保護

號 (一)宜避劇烈震動。(如撲耳或吹聲耳內等事)

(二)筆針。直挺牙。杖等之尖頭物。又或如豆類等硬堅物。均不可插入耳內。

(三)異物入耳內時。須以微溫水洗滌。不然即請醫師檢出。

(四) 昆蟲類竄入耳內時。頭部須傾斜於反對側。如昆蟲入左側。耳即向右側傾。并以油類滴入耳內。待蟲死而止。或待其自出。切不可用手搔觸。

五、寫字讀書之姿勢

(一) 坐位須取窗之左側。燈燭亦同。

(二) 寫字時之椅。須置棹前二五生的米達。上體保持正直。胸廓勿觸依棹板。

(三) 椅勿過於高。太低時。可用墊子。

(四) 脚底須平置地上。若不能達地時。可用脚臺。

(五) 坐時胸廓姿勢。與棹邊須平行。不可朴屈。

(六) 肺部勿互交。膝跟亦然。而足亦勿向椅之下後方屈置。

(七) 肘宜橫置棹上。左手持書。寫字時。紙可用左手移動。

(八) 寫物略斜放胸前中央。文字之直線。須與棹邊鉛直線相當。

(九) 讀書時。椅可稍向後退。握書時。兩手斜置於棹上。

(十) 讀書習字時。眼與桌之距離。亟少須在三十五生的適當。

又學齡兒童。當在學校生活時。最易罹胃病。是亦不可不注意者。詳論養生法於下。

欲知胃之養生法。須先明胃之健康狀態。然後始曉致病之由。茲略記胃之生理概要於後。

吾人之胃。有二種主要官能。一爲分泌機能。二爲運動機能。餘如知覺機能吸收機能等。胃雖有之。然遠不若前二種之重要也。

所謂胃之分泌機能 *Secretion der Magenh* 者。即胃壁之粘膜中有多數腺體 *Drüsen* 分泌一種液汁。通稱胃液。 *Magensaft* 此胃液中含有鹽酸 *Salzsäure* (在人類胃液中約含 0.1—0.3%) 及配布新 *Pepsin* (酶酵素 *Enzyme* 中之最要者。胃液中約含 0.3—0.4%) 吾人攝取肉類穀類等之消化皆賴此二者力也。其狀態如投冰糖於水中。漸漸溶解。然此種消化液 *Verdauungssäfte* 之含重。皆有一定度。其量適當。即健康之胃。消化佳良。如過量或缺乏時。則失生理的平均。消化作用因以減弱或過剩。遂爲病的現象。

所謂胃之運動機官者。 *Die Bewegung des Magens* 即由胃之運動。經過一定時間。送其內容物 (即食物) 至腸內之作用也。故分泌官能。爲因酶酵素及鹽酸而起之化學的作用。運動官能乃器械的作用。

胃液中含有鹽酸之重。因動物之種類而異。肉食動物。非僅對於肉。即骨亦有消化之力。故其胃液中鹽酸之含量較多。亦自然之理。約含 0.3—0.5% 草時動物。因食物上關係。藉鹽酸之力較少。其含量僅 0.01—0.15% 人類乃由與菜類混合而食。故皮胃液中鹽酸含量。適居肉食動物與草食動物之間。即歐人之胃液 0.17—0.3% 東洋人約 0.12—0.2%

運動官能。由於食物之種類與分量而異。就東洋人食物之分量而平均之。普通價定每餐。試食飯三碗。肉三兩。豆腐一塊。經五小時。全送入腸中。以此作為運動官能健康之本位。然因幼時之習慣。大有差異。如農夫勞動者。每餐食五六碗之飯。一日四五餐。胃內乃形充實。如是胃之官能。雖過於本位。然決非疾病。若胃之官能。在本位以下。即前述之食物。在五小時以內。不能消化送入腸內時。必係疾病。昔時胃之養生法。極為簡單。不過食易消化之物及減少食物之量。近日醫學日進。胃之生理。因以大明。故其養生法。亦若實驗的調察。不僅食易消化之物與減少食量而已。略述於下。

胃之養生法。其最要者。第一為咀嚼。即以齒牙細銼食物。方可嚥下。動物之胃。可別為二種。其一即筋胃。其二為腺胃。筋胃者。胃壁之筋肉極發育。有如器械之壓碎力。使胃中之食物。成粉渣之作用。如雞胃屬此。故食物不必全須咀嚼。雖囫圇嚥下。藉胃筋之作用。亦可消化。若腺胃。則胃筋之作用甚弱。發育亦弱。但胃壁中有多數之腺。由分泌液之化學的作用。使食物成粉渣。筋之作用。惟運送食物至腸內而已。吾人之胃。即屬於腺胃。故非藉咀嚼之力不可。蓋咀嚼不僅為器械的作用。自口腔之涎液中所含有之浦替阿林 *Ptyalin* 之醱酵素。有消化食物之作用。（如含水炭素。米麥等。均能消化。）故若十分咀嚼。亦十分受器械的與化學的作用。太助胃之消化力也。且咀嚼之利益。可使胃液因咀嚼而臻於旺盛。咀嚼之時若久。胃部亦可藉此閑暇。而預備分泌消化食物由口腔之輸入者。此則咀嚼之利益也。

據醫家之實驗。大約中等大之飯碗。滿碗米飯。須咀嚼十一二分鐘始可。價定每餐三碗飯。則需三十五

六分鐘。故一餐之時間極少。須定半小時。或素有速食弊者。初則置時表於面前。且注視且咀嚼。如是經二三星期後。可成習慣。

身體運動。有益於胃之養生。固不待言。然非謂運動。皆盡有益無害也。如在食後。即使身體運動。非僅無益。反大有害。蓋胃之分泌與胃之運動。必於適當之時期。行適當之運動。始能有輔助胃部官能之效。就動物試驗及人類試驗。皆無異也。若飯後即行運動。則凡五小時能消化之食物。必須延至五小時半。乃至六小時。方能消化。若飯後逾三小時後。再行適當之運動。則須五小時消化之食物。四小時即能消化。運送於腸管中。

食物消化。大有關於身體運動之時期。前已言之。學童之多胃病。則實緣於飯後即行運動之故是也。學校運動之時間。最不宜定於飯後一二鐘。且青年性喜活潑。或因運動而速食。亦所難免。學校運動之時刻。以上午十鐘至十一鐘為前適當。午餐之時。最少定三十分鐘。飯後禁止運動。並習字唱歌等課。亦宜稍停。然後再使運動。或徐步一里半里。如是始合胃之養生。

三餐之時刻。極宜定準。如前所載健康之胃官能。約經五小時。即可將普通之食物。消化淨盡。若是則每餐相距之時間。最少須五小時。然每五小時一餐。即使胃運動不絕。則十餘時內。毫無休息之暇。亦非養生之法。故最好於五小時之外。更隔三十分鐘。使胃稍得休息。次回之運動力。可使增強。又胃之運動。有如器械的動作。凡在休息時間後。如早晨起床之際。其運動力為最充足。至日中則較減。

弱。更至夜餐。則消化力更小。且其動作遲鈍。故每餐相隔之時間。下午須較長於上午。方能適合於胃之消化。茲由理想上。規定三餐時刻。早膳與午膳相隔。須五小時半。午膳與晚膳相距。須六小時。然世俗習慣上。則頗難合此理想的時刻。而合理的時刻。早膳須至七小時。午膳十二小時半。晚膳六小時。可稱適宜。但此合理的時刻。世俗亦有不遵循者。尤以晚膳與午膳相距之時間太差。有過早或太遲之弊。極宜更正。且此弊非僅在家居生活。即學校寄宿舍。亦有之。即早膳六點鐘。及至八點鐘。午膳十二點鐘。晚膳則早至四點鐘。遲至七八點鐘。若過早。則就眠之前腹飢思食。過遲則晚膳前又須用點心之類。一般寄宿舍生活之學童。其初進宿舍之前。面色極佳。精神健康。至將畢業時。多變成身體羸瘠。精神衰弱。面色青白。一則因緣於用功過度。然用膳與運動之時刻不適當。或速食等弊。致成胃病者。亦非無關係也。故管理寄宿舍者。宜十分注意焉。

滋養物之問題。稍知衛生者。無不注意也。醫生及一般人。最信滋養品之食物。為牛乳與雞卵。此時物誠屬滋養。然米麥菜蔬豆類豆腐等物之滋養價值。亦決不亞於前二者。惟牛乳及雞卵等。較易消化耳。然以其易於消化。故反有使力胃漸歸減弱之弊。

胃之養生法。其真諦乃強健胃力。決非養成薄弱之胃。此為要義。况胃有習慣性質。倘養成虛弱之習慣。便作成虛弱之胃。因而營養不足。以致身體衰弱。是故胃之強弱。只在習慣上之鍛鍊而已。磨鍊至強。有始有終。則身體無有不健康者。他部器官之疾病。亦可藉而排抵。西哲謂健康之精神。宿於健康之身體。

譯 述

欲造成健康之身體。須培於健康之胃。非虛語焉。

十

(未完)